

# **REFERAT AIA - Aningaasaqarnermut Inuussutissarsionermullu Ataatsimiititaq d. 18-02-2021**

**Mødedato** Torsdag d. 18. februar 2021 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Pisiniartarnermut tunngasut pillugit nassuiaat.....	7
Aalajangiiffigisassat.....	11
Restaurant Nasiffik, Nuussuaq imigassamik aalakoornartortalimmik sassaallersinnaanermut akuersi	12
Suliat Kommunalbestyrelsimut ingerlateqqitassat.....	15
Kommuneqarfik Sermersuumi sulisut naammagisimaarinninnerannik misissuinermit angusat.....	16
Ittoqqortoormiini atuarfimmi 8.-10. klassit atuutilerseqqinnissat.....	19
Sunngiffimmi klubbinik Peqqinnermut, Susassaqartitsinermit Kultureqarnermullu Immikkoortortai	26
Atuarfik Hans Lyngemut nakkutilliarternormit nalunaarusiaq.....	32
Angerlarsimaffeqanngitsuuneq pillugu immikkoortumut pilersaarut.....	36
Angallannermut pilersaarutissatut siunnersuut, immikkoortoq 1: Pisuinnaat aamma cykkilertut, Nu	40
Ittoqqortoormiit pillugit tamakiisumik pilersaarutissatut siunnersuut.....	44
Kommunimut pilersaarutip 2032 inaarutaasumik akuersissutigineqarnera.....	47
Kommunimut pilersaarummut tapiliussap 2B2-5, inuussutissarsiateqarfik Qeqertat inaarutaasumik	51
Kommunimut pilersaarummut tapiliussap 3A3-8 Ammassat, Nuuk inaarutaasumik akuersissutigine	55
Pisortani ataatsimoorussamik ikuallaavik.....	59
Nuussuarmi Inuusuttunut inissianik Utoqqarnullu inissianik pilersaarummut qinnuteqaammut inaar	63
Sinerissap qanittuani aalisarneq pillugu immikkoortumut pilersaarut.....	70
Politikkikkut suliarineqartussamik innuttaasut siunnersuuteqarsinnaanerannut periarfissaqartitsineq	74
Oqaluuserissanut tapiliussaq - Qinersinermik siulersuisunik toqqaaneq.....	77
Taasariaqartut allat.....	80
Lukket.....	81
Lukket.....	82
Lukket.....	83
Imaqarniliap akuerineqarnera.....	84

## **Punkt 0: Saqqaa**

### **Ilaasortat**

Charlotte Ludvigsen (IA) *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Jens Kristian Berthelsen (S)

Peter Davidsen (S)

### **Beslutning**

Ataatsimeeqataasut: Charlotte Ludvigsen (IA), Peter Davidsen (S), Jens Kristian Berthelsen (S) aammalu Justus Hansen (D)

Oqarasuaatikkut: Harald Bianco (IA), Charlotte Pike (IA) aammalu Henrik Rachlev (IA)

## **Punkt 1: Oqaluserisassat akuersissutigineqarneri**

### **Beslutning**

Oqaluserisassani 04A peerneqarpoq.

Oqaluserisassat akuersissutigineqarput.

## Punkt 2: Nalunaarutit

### Beslutning

1. Inuusuttut Kommunalbestyrelsiata ukiumoortumik ataatsimiittarnera februaarip ulluisa qulinganni digitalimik ingerlanneqarpoq. COVID-19 pissutaalluni ataatsimiinneq digitalimik ingerlanneqassasoq ukioq kingulleq aalajangiunneqarpoq. Inuusuttut Kommunalbestyrelsiata ataatsimiinnerat ingerlalluaqaaq, tassanilu Inuusukombest Kommunalbestyresimut arfineq-marlunnik innersuussutinik toqqaapput, taakku ataatsimiinnerup naammassinerani inuusuttut nammineerlutik kommunalbestyresimut tunniuppaat. Innersuussutit suliatigut nangeqqinnissaannut borgmesteri qilanaarpoq.
2. Februaarip ulluisa qulinganni kommunip peqqinnissaqarfimmik suleqateqarnera pillugu borgmesterip Peqqissutsimut Naalakkersuisoq ataatsimeeqatigivaa.
3. Februaarip ulluisa qulinganni borgmesteri Kommuneqarfik Sermersooq sinnerlugu Arctic Mayors Forumip (AMF) ukiumoortumik ataatsimeersuartitsinerani peqataavoq. AMF-ip suleriaasissaa ataatsimiinnermi akuersissutigineqarpoq Kommuneqarfik Sermersoorlu AMF-ip allatseqarfianut ilanngulluni.
4. Borgmesterip ulluni marsip pingajuanniit arfernannut Tasiilamiinnissani pilersaarutigivaa. Borgmesterillu ulluni marsip 16-iannit 18-iannut Paamiuniinnissani pilersaarutigivaa.
5. Imaani qassutikunik salinissaq pillugu aalisarnermut peqatigiiffik "Neqitaq" borgmesterimut saaffiginnippoq. Ajornartorsiut kommunimit ilisimaneqarpoq assigiinnigitsutigullu suliniuteqarfigineqalereerluni. Tamanna pillugu Sanarfinermut Avatangiisinullu Ataatsimiititamut saqqummiussassaliortoqartussaavoq.
6. Namminersorlutik Oqartussani Nunamut Namminermut Immikkoortortap kommunitut nammineq ingerlasutut misiliinissamik kommunit kissaateqarnerannut noqqaassuteqarluni kommunalbestyresinut tamanut allagaqaateqarpoq. Kommunit akissuteqarnissaannut 2021-mi aggustip ulluisa aallaqqaataannut killilerneqarput. Suliap kommunalbestyresimi 2021-mi upernaap ingerlanerani oqaluuserineqarnissaa naatsorsuutigineqarpoq.

## **Punkt 3: Ilisimatitsissutit**

## **Punkt 03A: Pisiniarnermut tunngasut pillugit nassuiaat**

### **Beslutning**

Ilisimatitsissut tusaatissatut tiguneqarpoq, Siumumiit ikinnerussuteqartutut ima oqaaseqaatitaqarluni: annertuumik isumasioqatigiissusiortoqartillugu piffimmi susassaqartut isumasioqatigineqartarnissaat kissaatigineqarpoq.

### **Bilag**

Kommuneqarfik Sermersuumi Pisiniarnermut Isumaqaatigiissutinillu aqutsinermut tunngatillugu 2020-mut Nassuiaat

## **Pisiniartarnermut tunngasut pillugit nassuiaat**

Ukiumut 2020-mut

Ilisimatitsissut

J.nr.: 10.00.01

Ingerlatsivik – Suliffeqarfimmut Kiffartuussivik, Vicekommunaldirektøri Marie Fleischer/ MAFL

### **Suliassamik eqikkaaneq**

Suliffeqarfiup iluani sullissinermut aamma Digitaliseriinermit, Pisiniarnermut Isumaqaatigiissutinillu aqutsinermut Immikkoortortaq ukiut tamaasa januaarimi/februaarimi ukiumut qaangiuttumut immikkoortortami suliat pillugit nassuiaasiortarpoq.

Immikkoortortap sulinera il.il. pillugu una nassuiaatit arfinilissaraat (ukiumoortumik nalunaarut).

Kommunimi pisiniarnermut tunngasuni suli tamakkiisumik sulisutigut aningaasatigullu pitsaanerpaamik atuinissamik, pisiniarnermi kiffartuussinermik, aningaasartuutit annikillineqarnissaasa ingerlatiinnarnissaanik, neqerooruteqartitsisarnermik aamma annertunerusumik unammilleqatigiissitsinissamut suliniutinik kiisalu pisiniarfigisartakkanut, siunissami pisiniarfigisartagassanut kommunimilu aqutsisunut sulisunullu nutaaliornermik kiffartuussinermillu siunertaqarluni ingerlatsiffiuvoq naleqartitsisoq.

Nunaqarfinni, Paamiuni, Tasiilami Nuummilu kommunip isumaqaatigiissutaasa tamakkiisumik sammineqarnissaat qulakkeertarparput. Kommunip ataatsimoortumik pisiniartarnermut isumaqaatigiissutai procentinngorlugit 95 %-it missaannik suli atorluarneqartorujussuupput.

Pisiniarnermut immikkoortortaq Covid-19-imik nalaataqarnermit sunnerneqarpoq, tasanilu illersuutissat isumannaallisaanikkut eqqortut pissarsiarinissaannut toqqorsivinnullu inissinneqarnissaannut kiisalu tamatumunnga atatillugu assartuussinikkut suliassanut sulisutigut aningaasatigullu annertuumik atuisoqarsimavoq. Taamatuttaaq Namminersorlutik Oqartussani immikkoortunut kommunillu sinnerinut illersuutissanik pisiniarnikkut ikiuussimavugut.

Qarasaasiaqarnermut Digitaliseeriinermullu suliassaqaarfiit piareersimasimapput 2020-milu qarasaasiaqarnermut tunngasutigut ingerlatsinermut ikiorsiinermullu neqerooruteqartitsisimallutik. neqerooruteqartitsineq killilimmik ingerlanneqarpoq, tasanilu kommune Combymit INU:IT-millu neqeroorutininik marlunnik tigusivoq, taakkulu tamarmik neqerooruteqartitsinermi atortunut piunasaqaatinullu ersarissakkanut tamanut naammassinnipput.

Isumaqaatigiissut nalilersoqqinneqareermat Comby-mut tunniunneqarpoq, taassumalu aningaasartai eqqarsaatigalugit INU:IT-mit akikinnerupputtaaq. Ataatsimut katillugit aningaasartuutinik ikilisaaneq, ukiunut arfinilinnut tulliuttunut, katillugit 7 mio. koruuninik annertussuseqarpoq. Isumaqaatigiissuteqarneq siusinnerusukkut Aningaasaqarnermut Inuussutissarsiornermullu Ataatsimiititamut ilisimatitsissutitut saqqummiunneqarnikuuvoq.

### **Inassuteqaat**

Suliffeqarfimmut Kiffartuussivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

### **Suliassamik saqqummiussineq**

Pisiniarnermut Politikki politikikkut akuersissutigineqartoq tunngavigalugu, ukiut tamaasa politikikkut aqutsisunut malinnaaffigilluarneqarsinnaasumik nassuiaasiortassaagut.

2020-mi Covid 19-imik nalaataqarnerup saniatigut uku pingaarnertut qitiutinneqarsimapput:

- Ataavartumik aningaasartuutikillisaanerit isumatusaarnerusumik pisiniarnikkut attatiinnarnissaat qulakkeernissaallu
- Isumaqatigiissutit attanneqaannarnissaannik annertuumillu atorneqarsinnaaginnarnissaannik qulakkeerinninnissaq
- Aqutsisut chefillu nutaat Pisiniarnermut politikimik pisiniariaatsimillu sukannersumik atuinissamut tamatumalu ataani kommune tamakkerlugu ataatsimoorluni pisiassat pillugit periusissat akuersissutigineqarsimasut aalajangiusimaneqarnissaannut ineriartortinneqarnissaannullu isumaqatigiissutit pillugit ilisimasaqalernissaasa qulakkeerneqarnissaat
- Unammillersinnaanerup aammalu kommunimi e-handel aqutugalugu niuernerup annertusiartortup malunnartumik qaffakkiartorerata qitiutinneqarnissaat
- Naammattusaartumik tunngaveqarnerup malinneqarnissaata qulakkeerneqarnissaa - suliassap naammassineqarnissaanut atatillugu pisariaqanngitsumik pitsaannerusunik akisunerusunillu pisisoqassannginnissaa pisinermilu "tassanngaanaq piserusulernerit" pinnginnissaannik qulakkeerinninnissaq tassani pineqarpoq.

Qarasaasiaqarnermut tunngasutigut ingerlatsinermit ikiorsiinermullu neqerooruteqartitsinerup saniatigut tulliuuttutaaq neqerooruteqartitsivigineqarput:

1. Pisattanik assartuisartussatut isumaqatigiissummik neqerooruteqartitseqqinneq. Neqerooruteqartitsinermit matumani Konpap ajugaasuvoq
2. Allaffimmi atortunik assartuisartussamik neqerooruteqartitseqqinneq. Neqerooruteqartitsinermit matumani Arctic Import ajugaaqippoq
3. Atuarfimmi sunngiffimmilu atortunik assartuisartussamik neqerooruteqartitseqqinneq. Neqerooruteqartitsinermit matumani Arctic Import ajugaaqippoq
4. Meeqqerivinnut nutaanut pequtinik il. il. pilersuinissamut neqerooruteqartitsineq. Neqerooruteqartitsineq NCD sinnerlugu ingerlanneqarpoq. Suliassaq pillugu isumaqatigiissut NCD-p neqerooruteqartitsinermilu ajugaasup NDO-p akornanni isumaqatigiissutigineqarpoq,

Matumanittaaq isumaqatigiissutit tulliuuttut sivitsuinissamut periarfissat isumaqatigiissutiniittut naapertorlugit sivitsorneqarput:

- Nerisassaangitsut/Igaffimmi atortut atisallu
- Innuttaasut utoqqaat najugaqarfiinut nerisassanik pajuttarneq.
- Oqarasuaatit pillugit isumaqatigiissut.

#### *Aningaasatigut sulisoqarnikkullu naliliinerit*

Neqerooruteqartitsinerit tamakkerlugit aningaasartuutikillisaanerit katillugit 1.500.000,00 koruunit missaanniippat aammalu isumaqatigiissutigineqartunit iluanaarutit 1.600.000,00 koruunit missaanniillutik. Taamatuttaaq siusinnerusukkat aningaasartuutikillisaanerit attatiinneqarput. Naggataatigullu IT-mik ingerlatsinermit isumaqatigiissummik nutaamik pitsanngorsaanermit aningaasartuutikillisaanerit 7.000.000,00 koruuninik annertussuseqarput

#### *Inatsisitigut tunngavissaq allakkallu tunngaviusumik uppersaatitalit*

- Kommuneqarfik Sermersuumi Pisiniarnermut Politikki, 13. august 2015-imi atuutilersinneqartoq.
- Kommuneqarfik Sermersuumi Pisiniarnermut Periusissaq, 13. augusti 2015-imi atuutilersinneqartoq.

### *Ingerlariaqqinnissaq*

Pisiortortarnermut Allaffimmit Kommuneqarfik Sermersuumi immikkoortorta qarfirmik misissuisarneq ingerlatiinneqassasoq, tassani annertunerusumik unammilleqatigiissitsinissamut periarfissaqarnersoq sulilu aningaasartuutinik annikillisaasoqarsinnaanersoq pillugu naliliinissaq siunertaralugu. Tamatuma saniatigut periusissiap nutaap akuersissutigineqarsimasullu tamakkiisumik atuutilersinneqarnissaat qulakkeerneqassaaq.

### **Aningaasaqarnermut Allatseqarfimmit oqaaseqaatit**

Suliffeqarfimmut Kiffartuussivimmi Aningaasaqarnermut Allatseqarfik allanik oqaaseqaatissaqanngilaq.

### **Oqaaseqaatit allat**

Oqaaseqaateqanngillat

### **Ilanngussat**

- Kommuneqarfik Sermersuumi Pisiniarnermut Isumaqaatigiissutinillu aqutsinermut tunngatillugu 2020-mut Nassuiaat

## **Punkt 4: Aalajangiiffigisassat**

**Punkt 04A: Restaurant Nasiffik, Nuussuaq imigassamik  
aalakoornartortalimmik sassaallersinnaanermut akuersissummut type B-  
mik qinnuteqaat**

**Beslutning**

Oqaluuserisassanit peerneqarpoq.

# **Restaurant Nasiffik, Nuussuaq imigassamik aalakoornartortalimmik sassaallersinnaanermut akuersissummut type B-mik qinnuteqaat**

Aalajangiiffigisassaq

J.nr.: 70.06.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

## **Suliassamik eqikkaaneq**

Suliffeqarfimmut Kiffartuussivimmit Restaurant Nasiffik, Iggiaanut B-28, 3905 Nuussuaq Michael Stig Lindhardt, imigassamik kimikitsumik kimittuumillu aalakoornartortalimmik Sassaallersinnaanermut akuersissummik qinnuteqaat type B-mut tiguneqarpoq, akuersissutip kingulliup ulloq 17. marsi 2020 atorunnaarnerata kingorna.

Inatsisartut inatsisaat nr. 35, 23. novembari 2017-imeersoq § 12. Imm. 2 naapertorlugu *“akuersissutip atuuffia naappat nutarterneqarnissaanillu qinnuteqaat kommunalbestyrelsimut tunniunneqarsimangippat.”* imigassaq pillugu akuersissutip atorunnaasineqassaaq arsaarinnissutiineqarsinnaavorluunniit.

## **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- Restaurant Nasiffik, Iggiaanut B-28, 3905 Nuussuaq imigassamik aalakoornartortalinnik sassaallersinnaanermut akuersissut type B pillugu qinnuteqaat akuersissutigineqassasoq

## **Suliassamik saqqummiussineq**

Suliffeqarfimmut Kiffartuussivimmit Restaurant Nasiffik imigassamik aalakoornartortalimmik type B-mik sassaallersinnaanermut akuersissummik qinnuteqaat tiguneqarpoq.

Tamatuma saniatigut Kalaallit Politiit, Qatserisartoqarnermut Oqartussaasut, Meeqqanut Ilaqutariinullu Ingerlatsivik kiisalu Suliffeqarfimmut Kiffartuussivik oqaaseqaatissaqanngillat.

Kommuneqarfik Sermersuumi Kommunalbestyrelse tunngaviumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassa qarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassamik kimittuumik tuniniaasussaasariaqanngillat. Taamaattorli sassaallertartut imigassamik kimikitsunik sassaallertarnissaat Kommunalbestyrelsimit aalajangerneqarsinnaavoq.

Sulialli ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusionerqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat

akuersissutunik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarluartut.

#### *Aaqqiissutissatut siunnersuut – suliatigut naliliineq*

Imigassamik sassaakkersinnaanermut akuersissummut paasissutissat tamarmik Suliffeqarfimmut Kiffartuussivimmit pissarsiarineqareerput. Suliffeqarfimmut Kiffartuussivimmit imigassanik aalakoornartortalimmik sassaallersinnaanermut Restaurant Nasiffiup akuersissummik tunineqarnissaanut piumasaqaatinik naammassinnittutut nalilerneqarpoq.

#### *Aningaasatigut sulisoqarnikkullu naliliinerit*

Kommuneqarfik Sermersuumut aningaasatigut sulisoqarnikkullu annertuumik kinguneqarnaviangilaq.

#### *Inatsisitigut tunngavissaq allakkallu tunngaviusumik uppersaaitallit*

- o Inatsisartut Inatsisaat nr. 35, 23. november 2017-imeersoq aamma Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaata allangortinneqarneranik Inatsisartut inatsisissaat nr. 3, 31. maj 2001-imeersoq.
- o Inuit imigassanik aalakoornartulinnik nioqquteqartarfiit sassaallertarfiillu aaqqissuunneqarneri atornerarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersornerullutik Oqartussat nalunaarutaat nr. 4, 4. marsi 2011-meersoq

#### *Ingerlariaqqinnissaq*

Soqanngilaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

#### **Innuttaasunik peqataatitsineq/Attaveqaqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Soqanngilaq.

#### **Ilanngussat**

Soqanngilaq.

## **Punkt 5: Suliat Kommunalbestyrelsimut ingerlateqqitassat**

## **Punkt 05A: Kommuneqarfik Sermersuumi sulisut naammagisimaarinninnerannik misissuinnermit angusat**

### **Beslutning**

Inassuteqaat akuersissutigineqarpoq.

### **Bilag**

2016-imit 2020-mut Kommuneqarfik Sermersuumi inernerit pingaarnerit kiisalu Kalaallit Nunaanni sanilliussineq

# Kommuneqarfik Sermersuumi sulisut naammagisimaarinninnerannik misissuinermit angusat

Ilisimatitsissut

J.nr.03.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

## Suliassamik eqikkaaneq

Kommuneqarfik Sermersuumit 2020-mi decembarimi internetikkut sulisut

naammagisimaarinninnerannik misissuineq ingerlanneqarpoq. Kommunimi sulisut 1900-t akornanni apersorneqartut 61 %-it misissuineq naammassivaat

Suliffeqarfimmi sulisut akornanni amerlasuut suliffimmik nuannarisaqartut akissutinik misissuinerup takutipkaa.

## Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

## Suliassamik saqqummiussineq

Suliffimmi pitsaasumik avatangiiseqarnerup pitsaanerulersinneqarnissaa, kajumissusilinnik sulisoqarnissaq qulakkeerneqarnissaa kiisalu sulisunik attassiniarnissaq pingaartinneqarnerata annertusarneqarnissaa kissaatigineqarnera pillugu sulisut akornanni naammagisimaarinninnissamat misissuisoqarpoq.

Suliffimmi pitsaassutsimut, kiffartuussisarnermut, napparsimalluni sulinngiffeqartarnermut kiisalu sulisut taarseraattarnerannut tunngatillugu suliffeqarfimmik nuannarisaqarnermik kiisalu naammagisimaarinninnermik pitsaasumik kinguneqartartut misissuinerit takutippaat.

Suliffimmik nuannarisaqarnermut sunniuteqarsinnaasut pingaarnert arfineq-marluk toqqammavigalugit misissuineq sularineqarpoq: inuit isumaat, qullersatut aqutsisut, aqutsisoq qaninneq, suleqatigiinneq, suliffimmi pissutsit, ineriartorneq ilikkagaqarsinnaanerlu.

Misissuinerimi assingusumi peqataasimasunit Kalaallit Nunaanni suliffeqarfinni 17-inut sanilliullugit kommunimi sulisut immikkoortuni tallimat qaffasinnerusumik nalilerpaat. Kommuneqarfik Sermersuumi sulisut Nunatsinni agguaqatigiissillugu kisitsisinut sanilliullugit immikkoortut marluinnaat pointimik ataatsimik appasinnerusumik nalilerpaat (sanilliussineq/Benchmark).

2016-imi naammagisimaarinninnermut misissuinermut sanilliullugu nalilersuutigineqartuni tamani arfineq-marluusuni tamarmik siuariaateqarfiusimapput.

Misissuineq piffissami 24.11.2020 – 11.12.2020 akissuteqarfingineqarpoq. Misissuinermit angusat 14. januaari 2021-mit takuneqarsinnaalerput. Misissuinerimi peqataasut tamarmik 1/9-2020 tikillugu aalajangersimasumik atorfeqartuupput kiisalu aalajangersimasumik taartaasartuupput.

2016-imi akissuteqartut procentiat tassaavoq 48 (1887-init akissuteqarsinnaasunit akissuteqartut 900-upput). 2020-mi akissuteqartut procentiat tassaavoq 61 (1905-init akissuteqarsinnaasunit akissuteqartut 1153-iupput).

## Aaqqiissutissat siunnersuut – suliatigut naliliineq

Sulisut taama amerlatigisut suliffimmi nuannarisimaarinninnermit misigisimanerat eqqarsaatigalugu angusat assut nuannaajallannarput. Naak angusat kusanaraluaqisut immikkoortunik ilaqarpoq

eqqumaffigineqarnerusariaqartunik. Taamaattumik immikkoortut taakku ineriartortinneqarnissaat immikkoortorta qarfinni pingaartinneqassapput. Tamanna ataatsimoorluni, aqutsisut sulisullu akornanni, ingerlanneqassaaq.

#### *Aningaasatigut sulisoqarnikkullu naliliinerit*

Suliaq aningaasatigut sulisutigulluunniit kinguneqanngilaq.

#### *Inatsisitigut tunngavissaq allakkallu tunngaviusumik uppersaatitallit*

Pingaaruteqanngilaq.

#### *Ingerlariaqqinnissaq*

2021-mi februaarimi marsimilu workshopertitsinerit internetikkullu isumasioqatigiissitsinerit aqqissuunneqarput, tassani aqutsisut tamarmik immikkoortuni angusat suliarineqatigiinnissaannut isumassarsiassanik pissarsiaqarsinnaassapput. Immikkoortorta qarfinni aqutsisunit angusat immikkut saqqummiunneqassapput.

Naak angusat pitsaasuugaluartut ineriartorneq pitsaasoq qulakkeerneqassaaq nangingneqarlunilu. Tamanna pillugu aqutsisunik ineriartortitsineq attaveqatigiittarnerillu qitiusumit sulissutigineqassapput.

Immikkoortorta qarfinni aqutsisut/sulisut ataatsimoorlutik namminneq immikkoortunik pingaarutilinnik ineriartortikkusutaannik peqarsinnaavoq. Taassuminnga suliaqarneq marsimi/apriilimi aallartissaaq aasallu/ukiallu ingerlaneranut ingerlanneqarluni.

#### **Aningaasaqarnermut Allatseqarfimmit oqaaseqaatit**

Pingaaruteqanngilaq.

#### **Innuttaasunik peqataatitsineq/attaveqatigiinneq**

Pingaaruteqanngilaq.

#### **Ingerlatsivinnit allaniit oqaaseqaatigineqartut**

Pingaaruteqanngilaq.

#### **Ilanngussat**

1. 2016-imit 2020-mut Kommuneqarfik Sermersuumi inernerit pingaarnerit kiisalu Kalaallit Nunaanni sanilliussineq (benchmark)

## **Punkt 05B: Ittoqqortoormiini atuarfimmi 8.-10. klassit atuutilerseqqinnissaat**

### **Beslutning**

Inassuteqaat akuersissutigineqarpoq.

### **Bilag**

Angajoqqaat saaffiginnissutaat

## **Ittoqqortoormiini atuarfimmi 8.-10. klassit atuutilerseqqinnissaat**

Aalajangiiffigisassaq

J.nr.: EMN-2020-31183

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Kommuneqarfik Sermersuumi atuartut angerlarsimaffiinik misissuineranut atatillugu Meeqqanut Atuarfeqarnermullu Ingerlatsivik atuartut Ittoqqortoormiineersut Nuummi atuartut angerlarsimaffianni 8.-10. klasse naammassisinnanannut aqqissuussaaneq nalinginnaasumik nalilersuiffigissavaat.

Ittoqqortoormiini ilinniartitsisoqarnerup allannguuteqarnera aalakkaanerulernerat kiisalu suliatigut aningaasaqarnikkullu pissutsit pissutigalugu naliliiffigineqassaaq siunissami illoqarfimmi 8.-10. klasseqarneq atuutilersinneqaaqqissanersoq. Ittoqqortoormiini atuarfimmi aqutsisup tamanna naliliineq taperserpaa peqatigitillugu angajoqqaat Ittoqqortoormiini 8.-10. klassit atuutiqqinnissaat oqaatigaa.

Taamaattumik innersuussutigineqarpoq maannakkut Ittoqqortoormiini atuartut Nuummi atuarnertik naammassissagaat, Ittoqqortoormiinilu 2021/2022-mi 8. klassinngortussanut, 2022/2023-mi 9. klassinngortussanut 2023/2024-mi 10. klassinngortussanullu atuutilersinneqassasoq. Atuartumit Nuummi ullumikkutut atuarneq imaluunniit atuarnemi ukiut kingulliit naammasserusunneqassappata neqeroorutigineqaannassaaq.

Suliaq Meeqqanut Atuarfeqarnermullu Ataatsimiititap ulloq 03. februaari 2021-mi ataatsimiinnerani oqaluserineqarpoq, ataatsimiititallu Ittoqqortoormiini 8.-10. klassit atuutilerseqqinnissaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Ittoqqortoormiini 8.-10. klassit atuutilerseqqinnissaat akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

2014-imi aalajangerneqarpoq Ittoqqortoormiini atuartut misiliummik Nuummut 9. aamma 10. klasseriartassasut. Peqatigitillugu 8. klassit Nuummi atuarfimmi 8. klasserusunnerlutik namminneq kajumissusertik aallaavigissavaat.

Taamanikkut atuartunik Nuummukartitsinissaq aqqissuunneqarneranut pissutaavoq taamanikkut Ittoqqortoormiini atuarfimmi ilinniartitsisoqarniarneq aalakkaasuunngimmat atuartut soraarummeertussat taamaalillutik atuagarsornikkut angusaasa qaffasissusaat annikillutik. Aalakkaasunik ilinniartitsisussaqaannginnermut pissutaavoq annermik illoqarfinni minnerni nunaqarfinnilu angajullerni atuartitsisinnaasunik ilinniartitsisussarsiortarneq ajornakusoorat. Atuartunik Nuummukartitsinikkut neriuutigineqarsimavoq atuartut pitsaanerusumik atuartinneqassasut taamaalillutik soraarummeernerminni pitsaanerusunik angusaqassallutik.

Ullumikkullu Ittoqqortoormiini pissutsit allaapput illoqarfimmi ilinniartitsisoqarniarneq allanngorluinnarsimammat. Ilaatigut illoqarfiup atuarfiani Ejner Mikkelsenila Aluarpiani nutaanik

pingasunik ilinniartitsisoqalerpoq atuarfimmi ilinniartitsisup marloriaatinngupajaarlutik. Peqatigitillugu illoqarfimmi taartaarsartut arlallit sumiiffimmi najugarisarluk qimannagu ilinniartitsisunngorniarnaq aqqutigalugu ilinniartissamaarneqarput.

Ittoqqortoormiini pitsaasumik ineriartornermut ilanngullugu atuartunik angajullernik Nuummukartitsisarnermut peqatigitillugu atuartut inuttut atugarissaarnerannut ineriartornerannullu tunngatillugu misilittagarineqalerpoq maannakkut aqqissuussaarnemut atatillugu pissusissamisoortoqanngitsoq.

Ilaatigut angajullerni atuartunut tamanut annermik 8. klassit aallarniarlutik aalajangersimasut inuusuttuaraasarmata siusissukkut ilaqtutaminnik avatangiisiminillu toqqissisimanarisaminnik sungiusamasaminillu qimatsisariaqarsimasut taamaallit anglerlarsilertarlutik atuartullu ilai inuttut akuujunnaartarlutik atuarumajunnaartarlutillu.

2015-imiillu atuartut Ittoqqortoormiineersut 45-t Nuummi atuarsimapput atuartullu anglerlarsimaffianni najugaqarsimallutik. Taakkunani atuartuni 45-ni arfinillit 2015-imit assigiinngitsunik pissuteqartumik piffissaq sioqqullugu anglerlartinneqarsimapput tamanna Ittoqqortoormiineersut atuartut uniinnartartut 13,3 %-erivaa.

Meeqqanut Atuarfeqarnermullu Ingerlatsiviup atuartut Ittoqqortoormiinangaaneersut suliatigut pitsanngorsarnissaannut pingaarnertut anguniagaq siunertarlugu aaqqiissut nalilerniarlugu, Ittoqqortoormiini atuartunit 2008-mit 2020-mut suliatigut inernerisaat misissorlugit misilissimavaa, ilisimariikkatut aaqqiissut taanna 2014-imi atuutilerpoq.. Naliliinermili uani paasissutissat tunngaviusut annikipput nalorninarlutillu, taamaattumik aaqqiissummi anguniagaq naammassineqarsimanersoq paatsuugassaannngitsumik oqaatigiuminaappoq.

Meeqqanut Atuarfeqarnermullu Ingerlatsivik aaqqiissummik utaqqiisaasumik naliliissappat, faagini kalaallisut, matematik, tuluttut, danskisullu 10. klassinut allattariarsornermi oqaluttariarsornermilu ukiumut angusat (årskarakterer) kiisalu allattariarsornermi oqaluttariarsornermilu misilitsinnermi angusat katitikkat ukiumiit ukiumut agguaqatigiissillugit suliatigut ataatsimut pitsanngoriaateqarsimanermik ajorseriarsimanermilluunniit takutitsinnaanngillat.

10. klassit faagini ataasiakkaani ukiumut misilitsinnermi angusaannut tunngatillugu kalaallisut allattariarsornermi oqaluttariarsornermilu kiisalu tuluttut allattariarsornermi oqaluttariarsornermi ukiumiit ukiumut suliatigut inernerisaat agguaqatigiissillugit qaffassimasut oqaatigineqarsinnaavoq. Akerliatigut danskisut allattariarsornermi oqaluttariarsornermilu kiisalu matematikkimi ukiumut angusat ukiumiit ukiumut agguaqatigiissillugit appariarsimarpasipput.

10. klassimi misilitsinnermi angusani ataasiakkaani ukiumiit ukiumut kalaallisut allattariarsornermi piginnaasassanillu misilitsinnermi inernerit qaffariarsimarpasipput. Taamatuttaaq matematikkimi allattariarsornermi misilitsinnermi inernerit agguaqatigiissillugit allanngoriaateqarsimarpasinngikkaluatut matematikkimi piginnaasatigut misilitsinnermi inernerit qaffariarsimapput. Naggasiullugu tuluttut danskisullu allattariarsornermi misilitsinnermi inernerit piginnaasatigullu misilitsinnermi inernerit appariarsimasinnaapput.

Tassungu ilanngullugu 2020-mi Kalaallit Nunaanni atuartut anglerlarsimaffii pillugit nalunaarut tusarniaassutigineqarpoq tunngavigineqarluni 8. klassit atuartut anglerlarsimaffiiniitineqassanngitsut taamaallaat 9. aamma 10. klassit illoqarfimminni nunaqarfimminnilu atuartinneqarsinnaanngitsut. Nalunaarut 2021-mi atuutsinneqalissasoq naatsorsuutigineqarpoq.

*Aaqqiissutissatut siunnersuut – suliatigut naliliineq*

Ittoqqortoormiini atuarfik ininik atuartitsiviusunik naleqquttunik angajullernut atuartitsivigineqarsinnaasunik peqartoq nalilerneqarpoq. Sulisunik ilinniarluarsimasunik atuartitsinermi kivitseqataasussanik peqarnissaq qulakkeerniarlugu pisariaqarsinnaavoq ataatsimik arlalinnilluunniit angajullernik ilinniartitsisinnaasunik atorfinitsitsinissaq.

Siusinnerusukkut atuarfik Majoriarlu ilinniartitsisut ataatsimoorussamik atorfeqartinneqarnerat pillugu suleqatigeereernikuupput. Taamaattumik ilinniartitsisussaaleqisinnaanerup matussuserneqarnissaa aaqinneqarsinnaavoq ataatsimoorussanik ilinniaritsisunik atorfeqartitsinerup atuutseqqinneqarneratigut. Taamatut aaqiineq atuarfimmu inuusuttunullu ilinnaqperusuttunut iluaqutaasinnaavoq.

Ilinniartitsisut nutaat ilinniartitsisullu atuarfimmi atorfeqareersut angajullernik atuartitsinerup atuutseqqilernerani ilaatigut misilitsinnermi censoriusussatut allanilu pikkorissarnerni naleqquttuni pikkorissartinneqassapput soraarummeertitsisinnaalertinniarlugit.

Ilanngullugu pinngortitalerinermi atuartinneqartussat ukiumut pingasoriarluni ilinniartitsisut angalasartunik atuinikkut fysikimi kemimi naturgeografimilu nukittorsarneqassapput tamatigut sapaatip akunneranik sivissusilimmik. Taanna ilinniartitsisoq angalasartoq ilinniakkani atorlugu atuarfimmi ilinniartitsisut allat pinngortitalerinermi atuartitsinissaannik piginnaasaqalertissavai.

Peqatigitillugu avataanit atuartitsinermi suliniutip ineriartornerata misissorneqarnissaa periarfissaavoq.

### **Maannakkut atuartut Ittoqqortoormiineersut Nuummiittut amerlassusaat**

Ukiup atuarfiusup 2020/2021-p aallartinnerani atuartut 14-it Nuummi atuartut angerlarsimaffianni Kisermaami allaqqapput. 2020-mi decembarip naanerani atuartut angerlarsimaffianni atuartut 12-t allaqqapput atuartullu atuarnerup aallartinnerani assigiinngitsunik peqquteqartumik atuartut angerlarsimaffiannit anisimapput.

9. klassimi atuartut arfineq pingasut 10. klassimi atuartut sisamanut agguataarneqarneri. Maannakkut atuartut 8. klassertaqanngillat atuartut marluk ukioq atuarfiusoq 2018/2019 aamma 2019/2020 aallartittut eqqaassanngikkaanni.

### **Ittoqqortoormiini atuartut amerlassusaat**

Maannakkut Ittoqqortuumiit atuarfianni 9. klassimi atuartut katillugit 56-pput Akullerni atuartunut (4.,5.,6. aamma 7. klassit) siunissami qaninnermi angajullernut nuuttussat katillugit 26-pput atuartunut aqqanilinnut agguartaakkat 4. klasse ataaseq, 5. klassit tallimat, 6. klassit tallimat 7. klassillu pingasut.

Maannakkut 8. klassimi atuartut atuarfimmi 8. klassimi atuartinneqarusullutik toqqaasimasut sisamaapput.

Ittoqqortoormiini atuartut amerlassusaasa annermik maannakkut 4. klassit aqqaniliusut 5. klassillu arfineq marluusut naapertorlugit ilimagineqarsinnaavoq ukiuni atuarfiusuni 2023/2024-mit 2027/2028-p tungaanut Ittoqqortoormiini atuartut siunissami Nuummi atuartuusussat amerlaqatigilissagaat, Nuummut atuariartortitsisarnerni aaqqissuussinerup atuutsiinnarnissaa toqqaarneqassappat.

Maannamiit decembarip naaneranut Nuummi atuartut angerlarsimaffianni allatsissimasut 23-pput taakkunani 12-t Ittoqqortoormiineersullutik, matumani taakkua 52 %-tiullutik. Maannakkut aaqqissuussinerup atuutsiinnarneqarnissaa toqqaaraanni ukiumi atuarfiusumi 2026/2027-mi atuartut 18-it Ittoqqortoormiineersut Nuummi atuartut angerlarsimaffianniissapput ullumikkornit arfinilinnik amerlanerullutik. Ittoqqortoormiini atuartut akullit Arsummi, Qeqertarsuatsiaani Kapisilinnilu

atuarfínnut aamma Nuummi atuartuuteqartartunut sanilliukkaanni akullerni atuartut atuarfínni pingasuni atuartunut maani atuartut katillugit 15-it amerlassuseqarput.

Taamaattumik Ittoqqortoormiini atuartut angajullit atuutileqqissappata Ittoqqortoormiini atuartut amerlanerit illoqarfigisaminni 9. aamma 10. klassissallutik toqqassappassuk Nuummi atuartut angerlarsimaffianni atuartut ikileriarnissaat kingunerissavaa.

Taamaattumik kikkut Nuummi atuartut angerlarsimaffianni inissamik neqeroorfigineqassanersut naliliiffigineqassaaq. Tamanna ass. Paamiuni Tasiilamilu atuartunut imaluunniit illoqarfiit taakkua nunaqarfiini atuartunut neqeroorutaasinnaalissaaq.

#### *Aningaasatigut sulisoqarnikkullu naliliinerit*

Ittoqqortoormiini atuartut angajullit atuartinneqarnerisa atulerteqqinneratigut piffissap ingerlanerani Nuummit Nuummut ukiumut marloriarlutik aasaanerani juullikkunnilu atuanggifteqarnermut atatillugu atuartut angalasarnerinut atatillugu sipaaruteqartoqalissaaq. Atuartut Ittoqqortoormiini 9. aamma 10. klassi ingerlatissallugu aalajangiissappata taamaattoqassaaq. 2019-imi Nuummut atuartut angerlarsimaffiannut angalanermi aningaasartuutigineqartut katillugit 826.760 koruuniupput, 2020-milu katillugit 620.193 koruuniullutik.

Ittoqqortoormiini Ejnar Mikkelsenila Aluarpiata aqqissuussaananerata allangortinneranut atatillugu 2013-imi missingersuutitut katillugit 2.200.000 koruunit iluarsaassinissamut atuartullu angerlarsimaffitoqaannut B-1422-mut Ittoqqortoormiini atuartut inissaannik ingerlatsinermut aningaasaliissutigineqarput. Ukiumi missingersuusiorfiusumi 2014-imi ingerlatsinermuinnaq 1.100.000 koruunit aningaasaliissutigineqarput. Kingusinnerusukkut atuartut angalanissaannut 500.000 koruuninik aningaasaliisoqaqqippoq. inissat allamut atorneqarsinnaanissaannut ilimagineqartut eqqaassanngikkaanni 2024-mi 1.600.000 koruunit katillugit sipaarutigineqarsinnaapput. Taamanikkornissaanut ukiumi missinngersuusiorfiusoq 2021 aallartiffigalugu sipaarutissat ataani takussutissami agguataarneqarput.

Ukiuni 2021-2024-mi sipaarutissatut naatsorsuutigineqartut kisitsisitaat nassaarineqarput, aningaasat katillugit 1.600.000 kr-niusuni atuartumut ataatsimut agguaqatigiisillugu ukiumut aningaasartuutigineqartartup nanineratigut. Sipaarutissat ilai aatsaat aggustip ulluisa aallaqqaataanni atuarneq aallartippat atuutilissammata erseqqissaatigissallugu pingaaruteqarpoq, tassani ukioq aningaasartuuteqarfiusoq 2021 aallarnerfigalugu.

Ukioq missingersuusiorfik 2021	Ukioq missingersuusiorfik 2022	Ukioq missingersuusiorfik 2023	Ukioq missingersuusiorfik 24
133.333 kr.	462.222 kr.	1.102.222 kr.	1.600.00 kr.
Atuartut 3	Atuartut 7	Atuartut 15	

Taamaattoq angajullerni atuartut ilinniartinneqarnissaannik pisariaqartitsineq matussuserniarlugu sipaarutissat taakkua Ittoqqortoormiini ataatsimik arlalinnilluunniit ilinniartitsisunik atorfinitsitsinermi aningaasartuutinit allanit illuatungilerneqartariaqassaaq. Soorluttaaq sammisassat atuartunut tunngasunut nerisaqartitsinermilu aningaasartuutit qaffannissaat naatsorsuutigineqartoq.

Aaaqqissuussinermut atatillugu aningaasartuuteqarnerulernissamut naatsorsuutit:

	Ukioq missingersuusiorfik 2021	Ukioq missingersuusiorfik 2022	Ukioq missingersuusiorfik 2023	Ukioq missingersuusiorfik 2024
Ilinniartitsisunik marlunnik atorfinitsitsineq	350.000	840.000	840.000	840.000
Pequtit nutserneri	200.0000	0	0	0
Sammisassat atuartunut tunngasut *	8.400	18.000	18.000	18.000
Pisatat (missiliorlugit)	15.000	20.000	40.000	0
Nerisitsineq **	4.095	22.930	32.212	47.499
Ilinniartitsisoq angalasartoq** *	210.000	420.000	420.000	420.000
Angalanermut aningaasartuutit ****	50.000	150.000	150.000	150.000
Katillugit	837.495	1.470.930	1.500.212	1.475.499

\*Atuartumut ataatsimut sammisassanun atuartunut tunngasunut 1.200 koruunit ukiumut immikkoortinneqassasut tunngaviumik aalajangiisoqarpoq.

\*\*2020-mi agguaqatigiisillugu atuartup ataatsip nerisinneqartarneranut aningaasartuutit aningaasartai nassaarineqarput

\*\*\*Ukiumut pingasoriarluni ilinniartitsisoq angalasartoq ltoqqortoormiinu kartoqartassaaq pingortitalerinermit atuartsissalluni

\*\*\*\* Angalanermut aningaasartuutit angalanermut ataatsimut 50.000 koruuninik missiliunneqarpoq

### *Inatsisitigut tunngavissaq allakkallu tunngaviumik uppersaatitallit*

- Atuarfik pillugu Inatsisartut inatsisissaattut siunnersuut nr. 15, 3. decembari 2012-imeersoq
- Namminersorlutik Oqartussat atuartut angerlarsimaffimmiittarnerat pillugu nalunaarutissatut siunnersuutaat

### *Ingerlariaqqinnissaq*

Suliaq akuqarineqassappat ilinniartitsisussarsiorneq atuartunillu ikaarsaartitsinermit periuseq aallartinneqassaaq.

### **Aningaasaqarnermut Allatseqarfimmit oqaaseqaatit**

ltoqqortoormiini atuartut angajullit atuartinneqarnerisa atulerteqqinneqassappat, Meeqqanut Atuarfeqarnermullu Ingerlatsivik atuartsisussanun atortussanullu aningaasartuutissanun atugassanik aningaasanik 2021-mi immikkut aningaasaliiffigineqarnissamit qinnuteqarsinnaavoq .

Atuartut angajullit atuartinneqarnerisa nuukkiartuaarnerat ilutigalugu, 2022-mut ukiunilu tulliuuttuni missigersuusianun immikkut aningaasartuutissat ilanngunneqariartuaassapput. Atuartut angerlarsimaffiani aningaasartuutit sipaarutissatut naatsorsuutigineqartut, 2020-mut ukiunilu tulliuuttuni missigersuusianun ilangaatigineqassapput, taamanimut Ingerlatsivik sulisumaqarpat sipaarutissatut naatsorsuutigineqartut naammassineqarsinnaasut.

### **Innuttaasunik peqataatsineq/attaveqatigiinneq**

ltoqqortoormiini angajoqqaat illoqarfimmi angajullit atuartinneqartalermissaannik kissaatiginnittut oqaloqatigineqarnikuupput.

### **Ingerlatsivinnit allaniit oqaaseqaatigineqartut**

Soqanngilaq

## **Siusinnerusukkut aalajangernerit**

*Meeqqanut Atuarfeqarnermullu Ataatsimiititap ulloq 03. februaarip 2021:*  
Inassuteqaat akuersissutigineqarpoq.

## **Ilangussat**

1. Angajoqqaat saaffiginnissutaat

## **Punkt 05C: Sunngiffimmi klubbinik Peqqinnermut, Susassaqartitsinnermut Kultureqarnermullu Immikkoortortamut nuussineq**

### **Beslutning**

Inassuteqaat akuersissutigineqarpoq.

### **Bilag**

Sunngiffimmi klubbit aaqissuussaanerisa eqqarsaatigineqaqqinnerata allaaserineqarnerat

# **Sunngiffimmi klubbinik Peqqinnermut, Susasaqartitsinnermut Kultureqarnermullu Immikkoortortamut nuussineq**

Aalajangiiffigisassaq

J.nr.:2020-28502

Suliffeqarfimmu Kiffartuussivik – Kommunaldirektøri Lars Møller-Sørensen / LMS

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

## **Suliassamik eqikkaaneq**

Sunngiffimmi klubbinut suliassap sunngiffimmi susasaqartitsinnermut kulturilerinnermullu siuarsarnissaanik immikkoortortaarfimmi akisussaasumiilerniassamat, kommunimi sunngiffimmi klubbit ingerlanneqarneri pitsanngorsarnerilu Meeqqanut Atuarfeqarnermullu Ingerlatsivimmiit Peqqinnermut Susasaqartitsinnermut Kulturilerinnermullu Immikkoortortaarfimmu nuutinneqarnissaa Meeqqanut Atuarfeqarnermullu Ingerlatsiviup inassuteqaatigaa. Suliassap nuunneqarneranittaaq Kommuneqarfik Sermersuup sunngiffimmi klubbii allat eqqarsaatigalugit ataqatigiinnerulernissaa suleqatigiinnerulernissarlu qulakkeerneqarsinnaapput.

Kommuneqarfik Sermersooq katillugit sunngiffimmi klubbinik arfineq-pingasunik meeqqanut inuusuttunullu qulingiluanii 21-nut ukiulinnut sunngiffimmi sammisassaqartitsinissamik neqeroorteqartunik peqarpoq. Klubbinut akisussaaffik ullumikkut Meeqqanut Atuarfeqarnermullu Ingerlatsivimmiippoq.

Peqqinnermut Susasaqartitsinnermut Kulturilerinnermullu Immikkoortortaarfiiup Meeqqanut Atuarfeqarnermullu Ataatsimiititaq Kommuneqarfik Sermersuumi sunngiffimmi suliassaarfimmik ingerlatsisuusq sullitarivaa. Taamaattumik suliassap Peqqinnermut Susasaqartitsinnermut Kulturilerinnermullu Immikkoortortaarfimmu nuunneqarnerani akisussaaffeqarfik suli Meeqqanut Atuarfeqarnermullu Ataatsimiititamiiinnassaaq.

Tamatuma saniatigut sunngiffimmi klubbit aqqissuussaananerit susasaqarfimmullu immikkoortumut pilersaarutip eqqarsaatigeqqinneqarnissaa suleriaqqinnermilu ilanngunneqarnissaat akuersissutigineqassasoq inassutigineqarpoq. Matumani klubbini pioreersuni sammisassaqartitsinerit ataavartumik naleqqussarneqarnissaat ilanngullugit.

Suliaq Meeqqanut Atuarfeqarnermullu Ataatsimiititap ulloq 03. februaari 2021-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu akuersissutigisassanngorlugu Aningaasaqarnermut Inuusutissarsionnermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqillugu.

## **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuusutissarsionnermullu Ataatsimiititamut inassuteqaatigaa:

- klubbit Suliffeqarfimmi Kiffartuussinnermi Peqqinnermut, Susasaqartitsinnermut Kultureqarnermullu Immikkoortortamut 01. aprili 2021 aallarnefigalugu tunniunneqassasut
- sunngiffimmi klubbinut aningaasaliissutit Peqqinnermut, Susasaqartitsinnermut Kultureqarnermullu Immikkoortortamut nuunneqassasut
- sunngiffimmi klubbit aqqissuussaananerisa susasaqarfimmullu immikkoortumut pilersaarummik suliaqartoqarnissaa eqqarsaatigeqqinneqassasoq suleriaqqinnermi ilanngunneqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

## **Suliassamik saqqummiussineq**

2019-p aallartinnerani Suliffeqarfimmi Kiffartuussinerup aaqqissuussaanikkut allanngorneranut atatillugu Peqqinnermut Susasaqartitsinermullu Immikkoortortaqarfik Meeqqanut Atuarfeqarnermullu Ingerlatsivimmiit Suliffeqarfimmi Kiffartuussinermi Innuttaasunik Kiffartuussivimmumut nuunneqarpoq.

Kommuneqarfik Sermersuup meeqqanut, inuusuttunut inersimasunullu sunngiffimmi neqeroorutai, matumani innuttaasut illui, peqatigiiffiit inai, sunngiffimmi atuartitsinerit sunngiffimmilu sammisasaqartitsinerit kiisalu naluttarfik Malik Nipilersornermillu Ilinniarfik Peqqinnermut Susasaqartitsinerimut Kulturilerinermullu Immikkoortortaqarfimmit akisussaaffigineqarput.

Kommuneqarfik Sermersooq katillugit sunngiffimmi klubbinik arfineq-pingasunik meeqqanut inuusuttunullu qulingiluanit 21-nut ukiulinnut sunngiffimmi sammisasaqartitsinissamik neqerooruteqartunik peqarpoq.

Klubbip taaguutaa	Ukioqatigiit	
Inneruulat, Nuuk	Nukarliit (9-13)	Angajullit (14-21)
Qajaasat, Nuuk	Nukarliit (9-13)	
Qinngorput	Nukarliit (9-14)	Angajullit (14-21)
Illu, Nuuk	Angajullit (14-21)	
NUIF, Nuuk	Nukarliit (9-13)	Angajullit (14-21)
Iginngut, Tasiilaq, nunaqarfiit ilanngullugit	Nukarliit (9-13)	Angajullit (14-21)
Kalaaleq, Paamiut	Nukarliit (9-13)	Angajullit (14-21)
Umimmak, ITT	Nukarliit (9-13)	Angajullit (14-21)

Sunngiffimmi klubbinut suliassaq toqqaannartumik atuarfinnik ingerlatsinerimut attuumassuteqanngikkaluartoq suli Meeqqanut Atuarfeqarnermullu Ingerlatsivimmiippoq. Meeqqanut Atuarfeqarnermullu Ingerlatsivik atuarfeqarnerimut meeqqeriveqarnermullu inatsit naapertorlugu sulivoq, uanili Peqqinnermut Susasaqartitsinerimut Kulturilerinermullu Immikkoortortaqarfik sunngiffeqarnerimut inatsit naapertorlugu, tassa klubbinut tunngasut ilaatillugit sulilluni.

Meeqqanut Atuarfeqarnermullu Ingerlatsivimmit inassuteqaatigineqarpoq suliassat sunngiffeqarnerimut tunngasut Meeqqanut Atuarfeqarnermullu Ingerlatsivimmit Suliffeqarfimmi Kiffartuussinerimut Peqqinnermut Susasaqartitsinerimut Kulturilerinermullu Immikkoortortaqarfimmut nuunneqassasut.

Meeqqanut Atuarfeqarnermullu Ingerlatsiviup sunngiffimmi aaqqiissutit, AKO aamma miniklub, atuarernerup kingorna neqeroorutinut tunngasut akisussaaffigiinnartussaavai.

#### *Aaqqiissutissatut siunnersuut – suliatigut naliliineq*

Susasaqartitsinerimut Immikkoortortaqarfimmi sunngiffimmi sammisasaqartitsinerimik pingaarnertut akisussaaffilinnik sulisoqarmat, kommunimi klubbeqarnerimut neqeroorutinik pitsanngorsaaniissamut siuarsaaniissamullu sulianik Peqqinnermut Susasaqartitsinerimullu

Immikkoortorta qarfik piukkunnaate qarnerpaatut nalilerne qarpoq. Sunngiffimmi suliassat isumagisinaanissaannut Peqqinnermut Susasaqartitsinnermut Kulturilerinnermullu Immikkoortorta qarfik illoqarfinni tamani immikkoortorta qarfimmi aqutsisunik atorfeqartitsivoq.

Klubbit aamma klubbinu sammisasaqartitsinerit pitsanngorsarumallugit, Kommune qarfik Sermersuumi klubbit aqqissuussaanerisa allannortinnissaannut periarfissat Peqqinnermut Susasaqartitsinnermut Kulturilerinnermullu Immikkoortorta qarfimmit Meeqqanut Atuarfeqarnermullu ingerlatsivik suleqatigalugu misissorlugit aallartinne qarput.

Meeqqanut Atuarfeqarnermullu ataatsimiisitaliap, Kommune qarfik Sermersuumi sunngiffimmi sammisasaqartitsisarneq Peqqinnermut Susasaqartitsinnermut Immikkoortorta qarfik akisussaaffigereerpa. Peqqinnermut Susasaqartitsinnermut Immikkoortorta qarfiup akisussaaffimmik tiguserani, sunngiffimmi klubbit Meeqqanut Atuarfeqarnermullu ataatsimiisitaliap ataaniinnassoq.

Suliniummumt allaaserisaq kakkiunneqarsimasoq tunngavigalugu sunngiffimmi klubbit eqqarsaatigeqqinnissaannut tunngatillugu suleriaqqinnermi Peqqinnermut Susasaqartitsinnermut Kulturilerinnermullu Immikkoortortamit isumagineqassaaq. Suliap ingerlanneqarnera paasiuminarsarniarlugu immikkoortukkuutaamik ingerlanneqassaaq. Immikkoortoq siullermi Nuummi klubbit eqqarsaatigeqqinneqarnerat sulissutigineqassaaq. Tamatuma kingorna klubbit illoqarfinnut nunaqarfinnullu Nuup avataaniittut ilanngunneqarnissaat tullinguunneqassapput.

Immikkoortut ima isikkoqartinne qarput:

- 1) Immikkoortoq siullermi Nuummi klubbinik naleqquttunik nutaanik pilersitsinissaq sammineqassaaq. Suliniummumt allaaserisatut kakkiussaq, inuusuttunik peqataatitsineq, kiisalu illuatungeriit susasaqartut, paaqqinnittarfiit kattuffiillu tusarniaaffigineqarnerat ukkatarineqassaaq.
- 2) Immikkoortup aappaani Nuummit misilittakkat tunngavigalugit Paamiuni Ittoqqortoormiini lu klubbi eqqarsaatigeqqinneqassapput. Tasiilami inuusuttunut kulturikkut illorsuamik nutaamik sanasoqamperpoq taamaattumik immikkoortup tulliata atulernissaanut Tasiilaq siulliuvoq.
- 3) Immikkoortup pingajuani Tasiilaq peqataatinneqassaaq. Inuusuttunut kulturikkut illorsuaq nutaajummat Tasiilamilu inuusuttunut assigiinngitsorpasuumik periarfissaqartitsilermat, Inuusuttut kulturikkut illorsuat aallaavigalugu allanik sammisasaqartitsinnermik pisariarqartitsineq misissorneqassaaq.
- 4) Immikkoortup sisamaani nunaqarfiit ilanngunneqassapput. Matumani katersortarfiup Peqqinnermut Susasaqartitsinnermut Kulturilerinnermullu Immikkoortortap akisussaaffigileqqammisaata qanoq atorneqarnissaa eqqarsaatigineqassaaq.

#### *Aningaasatigut sulisoqarnikkullu naliliinerit*

Inassuteqaatigineqartoq akuersissutigineqassappat katillugit 17.774.344 koruunit 2021-mi sunngiffimmi klubbinut aningaasat immikkoortinneqarsimasut Peqqinnermut Susasaqartitsinnermut Kulturilerinnermullu Immikkoortorta qarfimmut nuunneqassapput. Erseqqissaatigineqassaaq Nuummi klubbit aqqissuussaanerit illoqarfinnut allannut nunaqarfinnilu naleqqiullugit allaanerummat. Illoqarfinni allani atuareernerup kingorna ornittakkat klubbillu ataatsimut pisortaqartarput, taamaattumillu illoqatigiissinnaasarlutik.

KLUBBIT ATII	BUDGET
Inneruulat	1.761.000 kr.
Qajaasat	1.070.000 kr.
Ungdomsklub nutaaq Qinnngorput	3.600.000 kr.
Illu	1.280.004 kr.

NUIF (illut marluk: NUIF, Alleq kiisalu nipilersornermi sungiusartarfiit pingasut)	3.773.248 kr.
Iginngut	4.277.596 kr.
Kalaaleq	1.162.452 kr.
Umimmak	850.044 kr.
Tammakkerlugit	17.774.344 kr.

Susassaqarfimmi immikkoortumut pilersaarutip suliaralugu nanginnissaanut inassuteqaat akuersissutigineqassappat, klubbini nutaani sammisassanik ininillu sunik peqassanersoq pillugu sukumiisumik pilersaarusiortoqassaaq. Tassanngaaniit pilersaarutit piviusunngortinnissaannut qanoq akeqassanersut aningaasatigut naliliisoqassaaq, tamatumalu kingorna pilersaarutit sukumiisut inaarutaasumik akuersissutigineqannginneranni missingersuusiortoqarlunilu periarfissat allattorsimaffiannik suliaqartoqassaaq.

#### *Inatsisitigut tunngavissaq allakkallu tunngaviumik uppernarsaatitallit*

- Kommuneqarfik Sermersuumi Kommunalbestyrelsimi Aqutsinermi lleqqoreqqusaq
- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

#### *Ingerlariaqqinnissaq*

Inassuteqaatigineqartoq akuersissutigineqassappat suliaq aningaasaliissutaasut ilanngullugit Peqqinnermut Susassaqaqtitsinermut Kulturilerinermullu Immikkoortortaqaarfimmut nuunneqassappat, tassanilu klubbit aqqissuussaanerisa allannngortinnissaannut saqqummiussassaq suliaralugu aallartinneqareerpoq, immikkoortumullu pilersaarusiornermut sulineq nanginneqassalluni. Klubbit aqqissuussaanerisa suliarinerat immikkoortukkaartumik siuliani allaaserineqartut suliarineqassaaq. Klubbini pioreersuni sammisassat eqqarsaatigeqqinnerini isumassarsiat nutaat ataavartumik naleqqussarneqartassappat.

#### **Aningaasaqarnermut Allatseqarfimmit oqaaseqaatit**

Innersuussut akuerineqassagaluarpat, missingersuutit kommunip sunngiffimmi klubbiiniik 17,7 mio.kr. Meeqqanut Atuarfeqarmullu Ingerlatsivimmit Suliffeqarfimmi Kiffartuussivimmut, Peqqinneq, Sammisassaqaqtitsineq Kulturilerinermullu immikkoortortaqaarfimmut ullumikkut inissisimaffigisaanut nuunneqassappat. Sunngiffimmi klubbini tunniussineq akuerineqassappat aningaasanik allamut ikkussineq piviusunngortinneqassaaq tapiliussatut aningaasaliissutit siullermeerlutik 2021-mi ingerlanneqarneranni.

Tunniussineq isumaqassaaq siunissami Peqqinneq, Sammisassaqaqtitsineq, Kulturilerinermullu immikkoortortarfiup kommunimi sunngiffimmi klubbit akisussaaffigilissagaat ingerlannissaannut missingersuutit ilanngullugit.

Tunniussisoqassappat, Peqqinneq, Sammisassaqaqtitsineq, Kulturilerinermullu immikkoortortaqaarfik klubbit aqqissuussaanerisa allannngortinnissaannut suliaqassaaq. Aqqissuussaanerup allannngortinneqarnissaanut suliaq missingersuutit pioreersut iluani aningaasalersorneqassaaq.

Aqqissuussaanerup allannngortinnissaanut suliaq pilersaarutini aaliangersimasunik suliniutinik kommunip sunngiffimmi klubbiinut pitsannguutaasussanik imaqassaaq. Tamannalu isumaqarumaarpoq ullumikkumiik missingersuutit allaanerusumik atorneqalernissaat. Missingersuutit 2022-moortut suliarineqarneranni Peqqinneq, Sammisassaqaqtitsineq, Kulturilerinermullu immikkoortortaqaarfik periarfissaqassaaq sunngiffimmi klubbit akornanni missingersuutini nussunissaq, periarfissallu allattorsimaffiannik pilersaarutitut piviusunngortitsinissamut suliniutinik saqqummiussinissamut periarfissaqassalluni.

#### **Innuttaasunik peqataatitsineq/attaveqaatigiinneq**

Kommunimi inuusuttut tusarniaaffigalugit akuutinneqarneqarnerat eqqartueqatigineqarnerat sunngiffimmi klubbini sammisassat suut inissaqartinneqassanersut pillugit innuttaasunik peqataatitsineq aallartisarneqarpoq.

### **Ingerlatsivinnit allaniit oqaaseqaatigineqartut**

Peqqinneq Susassaqartitsinermut Kulturilerinermullu Immikkoortorta qarfiup suliassamik nuussinissaq qilanaarivaa klubbillu siuarsarneqarnissaat Kommuneqarfik Sermersuup sunngiffimmi neqeroorutitut sulinermi ingerlariaqqinnissaa qilanaaralugu.

### **Siusinnerusukkut aalajangernerit**

*Meeqqanut Atuarfeqarnermullu Ataatsimiititap ulloq 3. februaarip 2021:*

Inassuteqaat akuersissutigineqarpoq.

### **Ilangussat**

1. Sunngiffimmi klubbini aqqissuussaanerisa eqqarsaatigineqarqinnerata allaaserineqarnera

## **Punkt 05D: Atuarfik Hans Lyngemut nakkutilliiartornermit nalunaarusiaq**

### **Beslutning**

Peter Davidsen (S) suliamut attuumavallaarnerarluni nalunaarpoq, inilu qimallugu.

Inassuteqaat akuersissutigineqarpoq.

### **Bilag**

Atuarfik Hans Lyngemut nakkutilliiartornermit nalunaarusiaq

## **Atuarfik Hans Lyngemut nakkutilliiartornermit nalunaarusiaq**

Ilisimatitsissut

J.nr.: EMN-2021-00021

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliususaatitaavoq.

Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuariini ukiumut ataasiarluni nakkutilliiartortarnissaq siunniunnikuuaa.

Decembarip ulluisa pingajuanni 2020 Atuarfeqarnermut immikkoortortaq Atuarfik Hans Lyngemut nakkutilliiartorpoq.

Suliaq Meeqqanut Atuarfeqarnermullu Ataatsimiititami 03. februaari 2021-imi oqaluuserineqarpoq, ataatsimiititap ilisimatitsissut tusaatissatut tiguuaa suliarlu Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ilisimatitsissutitut ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Atuarfik Hans Lyngemi nakkutilliiartorsimanermit nalunaarusiaq tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Meeqqanut Atuarfeqarnermullu Ingerlatsivimmi Atuarfeqarnermut immikkoortortaq Atuarfik Hans Lyngemut nakkutilliiartorsimavoq. 495-inik atuartoqarpoq kiisalu atuartut tikeraartut marluullutik taakkualu 1. - 10. klassinut, klassinut 22-nut kiisalu SP-klassimut ataatsimut, agguataarsimasuupput. Klassini nalinginnaasuni atuartut amerlassusii 22,04-nik amerlassuseqarput SP-klassinilu 10-ullutik. Atuarfik ilinniartitsisunut aamma aqutsisunut tamakkiisumik sulisunut katillugit 45-nut inuttaqartinneqarpoq. Atuarfik atuarfimmi pisortamik ataatsimik, pisortap tullianik ataatsimik kiisalu trinnini aqutsisunik 4-nik aqunneqarpoq. Taakkua saniatigut atuarfik atuarfimmi siulersuisoqarpoq.

Atuarfimmut TEA Tabulex aamma sammisassanut pilersaarummi ulloq 1. oktobari 2020-mi nalunaarsorneqarpoq Trin 1-imi immikkut saniatigut immikkoortumi aqutsisumik pilersitsisoqarsimasoq, taakkulu immikkoortumi aqutsisoq alla peqatigalugu ukiumut akunnerit 99-it immikkoortumi aqutsinermik suliat isumagissavaat. Aqutsisunut Piffissaq suliffiususaaq pillugu isumaqatigiissut naapertorlugu atuarfinni immikkoortumi aqutsisut 12 pointillit imaluunniit taakku qaangerlugit minnerpaamik ukiumut akunnernik 198-inik immikkoortumi aqutsisutut atuuffinnik sulinissamut tunineqartussaapput.

Ingerlatsivik atuarfimmi aqutsisunut, Trin 1-imi ataasiinnarmik immikkoortumi aqutsisoqarsinnaanera, uparuarpaa, qulaani piffissaq suliffissaq pillugu isumaqatigiissut naleqqiuguk. Atuarfik aqutsinermut saniatigut piffissamik kissaateqassaguni, taava tamanna

Atuarfeqarnermut immikkoortortamut qinnuteqaatigissavaa, saniatigut trinimi aqutsisumik inissiisoqaannarsinnaangimmat ingerlatsivik akuersiseqqaarnagu.

Atuarfik pillugu Inatsisartut inatsisaat nr. 15, 3. decembari 2012-imeersoq malillugu ukiut sisamaanni atuartitsinermit piffissaq minnerpaaffilerneqarpoq akunnernut 890-inut, ukiullu tallimaanni akunnernut 920-nut, ukiut qulingiluaannut akunnernut 910-nut kiisalu ukiut qulingannut akunnernut 920-nut. Tamanna pillugu Meeqqanut Atuarfeqarnermullu Ingerlatsiviup atuarfimmu ilisimatitsissutigissavaa, piffissaq atuartitsiviusimasoq minnerpaamik atuartitsivissatut ilinniartitsisimaneq minnerpaaq malillugu taanna pilersarusiortussaammatt, naleqqiuguk inatsit, tamanna ukiumi atuartitsiviusumi 2019/20-mi malinneqarsimangilaq. Tamanna taakkunani ukioqatigiikkuutaani fagini nalinginnaasunit allaanerusumik ilinniartitsinerit qimerluualaarnerisigut qulakkeerneqarsinnaavoq kiisalu ukioqatigiikkuutaat sapaatip-akunnerani ilinniartitsiffigineqarnerisa ingerlaavartumik malinnaaffiginerisigut. Ukiumi aggersumi atuarfimmi aqutsisunit ukiumut najoqqutarineqartup taassuma malinneqarnissaa qulakkeerneqassaaq, aamma 1. oktobari 2021-mi nalunaaruteqarnermi tamanna Atuarfeqarnermut immikkoortortamit malitseqartinneqassaaq.

Piffissami matumani atuartut atuangitsoortarnerannut atatillugu ilitsersuuteqanngilaq, tamannali atuarfimmi aqutsisunit eqqumaffigineqarpoq ilinniartitsisullu suleqatigalugit suliarineqarnissaa innersuussutigineqarpoq. Ilitsersuut taanna kingusinnerpaamik 1. aprili 2021-mi ingerlatsivimmut nassiunneqassaaq.

Atuarfimmi aqutsisunit atuarfimmi siunnersortit aamma atuarfimmi ilinniartitsisut akornanni annertunerusumik suleqatigiittoqarnissaa aallarnisarneqarpoq, atuarfimmi atuartut ilaasa nalunaarutigineqartarneranni isumaginninnermi siunnersortit suliani annerusumik atorneqartarnissaat siunertaralugu. Isumaginninnermi siunnersortit taamaalillutik suliatit pillugit ukiumut nalunaarusiami/naliliinnermi atuarfimmi suliat allaaserineqarneri suliarisassavaat.

Massakkut atuarfik elevr adimut attaveqaatissamik amigaateqarpoq, tamanna elevr adimi suli ataatsimiittoqannginneranik kinguneqarpoq. Taamaattumik tassunga inummik inunnilluunniit marlunnik attaveqaataasunik piaartumik nassaartoqarnissaa tikkuarneqarpoq, elevr adimi ataatsimiinnerit aallarteqqinneqarniassammata. Inuit taakkua marluk elevr adimut attaveqaataasut sulinissaannut pilersaarut ingerlatsivimmut januaarip naanerani 2021-mi nassiunneqassaaq.

Ukiumi atuarfiusumi 2020/21-mi ilinniartitsisunik pisariaqartitsinermik misissueqqissaarnermut tunngatillugu nalunaarutigineqartunit ersersinneqarpoq, atuarfiup akunnerit atugassat tunniunneqartut malillugillu eqqortumik atorsimagai. Taamaattorli atuarfimmi aqutsisunit eqqumaffigineqassaaq, ilinniartitsisunik pisariaqartitsineq pillugu misissueqqissaarnermi arfernganni saniatigut akunnerit 7.300-t tunniunneqarsimaneri, tamanna ilinniartitsisunik saniatigut 3-t missaat naligivai, peqatigitillugulu akunnerit sinneruttut tunniunneqartut aamma atorneqarsimapput.

#### *Aaqqiissutissatut siunnersuut – suliatigut naliliineq*

Atuarfeqarnermut immikkoortortap nalilerpaa, atuarfik Atuarfik pillugu Inatsisartut inatsisaat nr. 15, 3. december 2012-meersoq naapertorlugu ingerlanneqartoq, atuartullu inatsimmi piumasaqaatit naapertorlugit atuartinneqartut.

Nakkutilliineq tunngavigalugu atuarfik ingerlalluartutut paasinarpoq, ilinniartitsisut ilinniarsimasut 100 %-iullutik. Ulluinnarni atuarfiup aqqunneqarnera aaqqissuussaavoq atuarfimmilu siulersuisut ingerlapput, meeqqat pitsaanerpaamik atuarnermikk ingerlanissaannik sulissuteqartunik.

Trinnikkuutaani inernerit nuna tamakkerlugu agguaqatigiissitsineq eqqarsaatigalugu inissisimalluarpoq, taamaattorli kalaallisut allattariarsorneq aamma matematik pinnagit, tamannalu

atuarfiup pitsaanerulersinneqarnissaa qitiutillugu sulissutigissavaa. Peqatigitillugu meeqqat atuarianni soraarummeertussat nuna tamakkerlugu agguaqatigiissitsinermi angusamikkut inissisimalluarput, kalaallisoorneq eqqaassanngikkaanni. Taamaattumik atuarfimmi aqutsisunit ilinniartitsisut linjefagillit taakkualu atorneqarnissaat annerusumik aallukkusunneqarput.

Atuarfimmi aqutsisunit aamma atuarfimmi siulersuisunit atuarfiup allilerneqarnissaanik pilersaarutit ugartorneqarput, atuarfik 1.-7. klassinut atuarfissanngorlugu sanaajummat, atuarfimmilu klassit tamarmik minnerpaamik marloqiusatut ingerlapput ukioqatigiikkuutaat pingasuullutik klassinut pingasunut agguataakkat. Taamaattumik atuaqatigiiaat piffissap ingerlanerani angajullernut nuukkiartuaarnerat ilutigalugu atuartut inissaannik nassaarunnissaat ajornakusoorsiaortarpoq. Tassunga atatillugu ilinniartitsisut ilaannit oqaatigineqartarpoq klassimi atuartut amerlavallaartut pissutigalugit nungullartarlutik, pisuni amerlasuuni klassimi ataatsimi atuartut 26-t angullugit amerlassuseqalartarmata. Klassini atuartut amerlavallaartarneri aamma nassuiaataasinnaavoq ilinniartitsisut ukiuni kingullerni nikerarnerannut, ilinniartitsisut allanut qinnuteqartarlutik.

#### *Aningaasatigut sulisoqarnikkullu naliliinerit*

Aningaasaqarnikkut sulisoqarnikkullu naliliisoqanngilaq.

#### *Inatsisitigut tunngavissaq allakkallu tunngaviusumik uppernarsaatitallit*

- Atuarfik pillugu Inatsisartut inatsisaat nr. 15, 3. december 2012-imeersoq
- Atuarfimmi naliliisarneq uppernarsaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Atuarfik Hans Lyngemut nakkutilliarturnermit nalunaarusiaq

#### *Ingerlariaqqinnissaq*

Meeqqanut Atuarfeqarnermullu Ingerlatsiviup anguniarpaa, ukiumut ataasiarluni atuarfinnut nakkutilliarortoqartassasoq.

Tulliani Atuarfik Hans Lyngemut nakkutilliiffigiartorlugu 2021-mi ukiukkut pulaarneqassaaq.

Tassunga atatillugu atuarfiup inatsit malillugu akunnerit minnerpaaffissaat qanoq pilersaarusiortarneraa ingerlatsivimmit malinnaaffigineqassaaq.

#### **Aningaasaqarnermut Allatseqarfimmit oqaaseqaatit**

Pingaarteqanngilaq.

#### **Innuttaasunik peqataatitsineq/attaveqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Soqanngilaq.

#### **Siusinnerusukkut aalajangernerit**

*Meeqqanut Atuarfeqarnermullu Ataatsimiititap ulloq 3. februaarip 2021:*

Ilisimatitsissut tusaatissatut tiguneqarpoq.

#### **Ilanngussat**

1. Atuarfik Hans Lyngemut nakkutilliarturnermit nalunaarusiaq

## **Punkt 05E: Angerlarsimaffeqanngitsuuneq pillugu immikkoortumut pilersaarut**

### **Beslutning**

Inassuteqaat akuersissutigineqarpoq.

### **Bilag**

Angerlarsimaffeqanngitsuuneq pillugu immikkoortumut pilersaarut

## **Angerlarsimaffeqanngitsuuneq pillugu immikkoortumut pilersaarut**

Aalajangiiffigisassaq

J.nr.: EMN-2020-31167

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

### **Suliassamik eqikkaaneq**

Angerlarsimaffeqanngitsuuneq pillugu immikkoortumut pilersaarut una kommunip Angerlarsimaffeqanngitsuuneq pillugu periusissiaanut ilassutaavoq. Periusissiaq anguniakkanik suliniuteqarfinnillu pingaarnernik takutitsivoq, Angerlarsimaffeqanngitsuunerlu pillugu immikkoortumut pilersaarut neqeroorutunik atuuttunik kiisalu kommunip siunissami neqeroorutigiumasaanik takutitsilluni.

Angerlarsimaffeqanngitsuuneq pillugu Kommunip iliuuserisassai immikkoortunut marluusunut avinneqarput. Immikkoortumi siullermi unnuiffissamik pitsaasumik pinartumik pisariaqartitsineq qitiutinneqarpoq. Tamanna kommunip angerlarsimaffeqanngitsunut unnuisarfimmi naammattunik amerlassusilinnik qulakkeerinnikkut aaqqiissuteqarfiginiarpaa. Immikkoortup aappaani sivirusumik angerlarsimaffeqannginneq pineqarpoq. Uani kommunimit anguniarneqarpoq, innuttaasunut utaqqiisaasumik inissamik neqerooruteqarnissaq, taannalu ataavartumik inissarsinissap tungaanut atuutissaq. Tamanna ilaatigut inissianik katitertakkanik/utaqqiisaasumik inissianik imaluunniit isumaginnittoqarfik aqutugalugu inissanik agguaassinikkut qulakkeerneqassaaq.

Ingerlatsivik periutsinik isumaginninnermut tunngassutilinnik ungasinnerusoq eqqarsaatigalugu suliniutinut tapersiisussanik ineriartortitsivoq. Tamatuma periuseq Housing First aallaavigissavaa. Housing First pineqarpoq, innuttaasut angerlarsimaffeqanngitsut sukkaasumik inissarsinissaat qitiutillugu isumaginninnermi iliuutsinut ataqatigiissumik kommunimit neqeroorutigineqartussaq.

Suliaq Suliffeqarfinnermut Isumiginninnermullu Ataatsimiititami februaarip ulluisa aappaani 2021-imi oqaluuserineqarpoq, ataatsimiititalu Angerlarsimaffeqanngitsuuneq pillugu immikkoortumut pilersaarut akuersissutigaa ima oqaaseqaatitalerlugu: Angerlarsimaffeqanngitsunut tunngasut kisitsisaatigineqartut nutarterneqassapput, kisitsisillu paasissutissat angerlarsimaffeqanngitsunut unnuisarfimmeersuunerusut, imaluunniit kommunip najugaqarfeqanngitsunut nalunaarsugaaneersuunersut erseqqissaatigineqassalluni, suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassutigaa:

- angerlarsimaffeqanngitsuuneq pillugu immikkoortumut pilersaarut akuerineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Angerlarsimaffeqanngitsuuneq inissaqannginnermut tunngaannarani aamma inooqataanermi ajornartorsiutinut arlalinnut soorlu imigassamik hashimilluunniit atornerluinnermut, suliffeqarnermut attaviluninnermut inunnullu allanut attaveqarnikkut amigaateqarnermut tunngassuteqarpoq.

Kalaallit Nunaanni inuuniarnermikkut ajornartorsiuteqartut suliffeqanngitsut attaveqaateqanngitsulluunniit illoqarfinnut anginerusunut, annermik Nuummut nuukkumanerusarput. Taamaalilluni Nuuk Kalaallit Nunaat tamaat sinnerlugu

unammilligassaqqarpoq. Angerlarsimaffeqanngitsuuneq Nuummi annertunerpaammat, kommunip suliniutai annertunerusumik Nuummiipput. Immikkoortumulli pilersaarummi kommunip illoqarfiisa nunaqarfiisalu sinnerini inissaaleqinerup aaqqiiffigineqarnissaa aammattaaq ilaatinneqarpoq.

#### *Aaqqiissutissatut siunnersuut – suliutigut naliliineq*

Immikkoortumut pilersaarut neqeroorutiniq atuuttunik kiisalu kommunip siunissami neqeroorutigiumasaanik takutitsivoq. Ataatsimut isigalugu kommunip angerlarsimaffeqanngitsuuneq pillugu suliniutai immikkoortut marlungorlugit agguarneqarsinnaapput:

Immikkoortumi siullermi unnuiffissamik pitsaasumik pinartumik pisariaqartitsineq qitiutinneqarpoq. Tamatumani innuttaasut pinartumik unnuiffissaqannginnikkut ajornartoornerini angerlarsimaffeqanngitsunut unnuisarfinni naammattumik inissaqartitsinissaq kommunip qulakkiissagaa pineqarpoq. 2020-mi covid-19-ip kiisalu oqartussat killilersuinerisa innuttaasunut tamanut unnuinissamat periarfissanik toqqissisimanartunik eqqiluutsunillu pisariaqartitsisoqarnera naqissuserpaat. Kommunip angerlarsimaffeqanngitsunut utaqqiisaasumik tupeqarfiliornermigut aaqqiissutaa, inissisimaffinnut pinartunut suliniutigut aaqqiissutitut assersuutaavoq.

Suliniutit immikkoortuisa aappaanni sivisuumik angerlarsimaffeqanngitsuuneq sammineqarpoq. Sivisuumik angerlarsimaffeqanngitsuuneq eqqaariikkatut inooqataanermi ajornartorsiutinut atassuteqarajuppoq. Suliniut iluatsitsiffiusoq inissamik neqeroorummik isumaginninnikkullu suliniummik imaqassasoq tamanna isumaqarpoq. Sivisuumik angerlarsimaffeqanngitsuuneq akiorniarlugu ilaatigut inissianik katitertakkatigut/utaqqiisaasumik inissiatigut imaluunniit isumaginnittoqarfik aqutigalugu inissatigut innuttaasut sivisunermik inissanik neqeroorfigisinnaanissaannik qulakkeerinninnissaq kommunip qitiutippaa. Ungasinnerusoq eqqarsaatigalugu suliniuteqarneq nukittorsarniarlugu Housing First aallaavigalugu ingerlatsivik periutsinik isumaginninnermut tunngassutilinnik ineriartortitsilluni suliaqarpoq.

Angerlarsimaffeqanngitsut pisortanit (imaluunniit namminersortunit) sukkasuumik inissianik pissarsitinneqarnissaata tamatumunngalu atassuteqartumik isumaginninnikkut suliniuteqarfineqarnissaata qulakkeerneqarnissaa Housing First-imi siunertarineqarpoq. Kommuneqarfik Sermersuumi inissiat katitertakkat aammalu isumaginnittoqarfik aqutigalugu inissanik agguassineq periutsimut Housing First-imut aallaavigitinneqassapput.

Taamaattumik inissiat katitertakkat/utaqqiisaasumik inissiat unnuisarfimmilu inissat amerlinissaat qitiutinneqartariaqarpoq. Unnuisarfik 70-inik inissalik inissiallu katitertakkat 70-inik inissallit Nuummi 2035-mut tigussaasumik anguniagaapput. Angerlarsimaffeqanngitsut illuannik neqeroorutiniq taakkunanga marlunnik inissaqartitsisussamik pilersitsinissaq kommunip sulissutigaa.

Sinerissami utaqqiisaasumik inissiat aaqqiissutissatut qitiutinneqassapput. Assersuutigalugu inissiat ilai ataavartumik inissaqalernissap tungaanut atuuttussat Paamiuni Tasiilamilu angerlarsimaffeqanngitsunut inigitinneqarallarsinnaapput.

Kommuneqarfik Sermersuup arnat angerlarsimaffeqanngitsut immikkut qitiutissavai. Kommuneqarfik Sermersuumi angerlarsimaffeqanngitsut amerlanersaat angutaapput. Illoqarfinni nunanilu allani agguataarneq taamaattoq nalinginnaavoq. Arnalli angerlarsimaffeqanngitsut atugarliornerusinnaasarpur, taamaattumillu kommunip arnat atugarisaat qanorlu ilillutik angerlarsimaffeqannginnermit ikiorneqarsinnaanersut immikkut ittumik qitiutissavaa. Arnanut angerlarsimaffeqanngitsunut suliniutit iliuusissatullu pilersaarutit inissisimaffimmut immikkut ittumut tassunga naapertuutissasut anguniagaavoq. Angerlarsimaffeqanngitsunut neqeroorutit sinittarfinnik uffartarfinnillu immikkoortunik pissaqartitsinissaat kommunip erseqqissumik anguniagaanut ilaavoq.

### *Aningaasatigut sulisoqarnikkullu naliliinerit*

Angerlarsimaffeqanngitsuuneq pillugu immikkoortumut pilersaarutip akuersissutigineqarnera aningaasartuuteqarfigineqassanngilaq. Immikkoortumut pilersaarummi suliniutit piviusunngortinneqarnissamik missingersuutit qaangerlugit aningaasartuuteqartitsissagaangata, aningaasaliinerup periarfissatut allattorsimaffiliornertigut imaluunniit ilassutitut aningaasaliissutitik qinnuteqaatitigut missingersuusiornermut nalinginnaasumut ilanngunnissaa ingerlatsiviup isumagisassavaa.

### *Inatsisitigut tunngavissaq allakkallu tunngaviusumik uppernarsaatitallit*

- Kommuneqarfik Sermersuumi Nunarsuaq tamakkerlugu anguniagaq
- Kommuneqarfik Sermersuumi angerlarsimaffeqanngitsuuneq pillugu periusissiaq

### *Ingerlariaqqinnissaq*

Angerlarsimaffeqanngitsuuneq pillugu immikkoortumut pilersaarut tamanut saqqummiunneqassaaq. Suliffeqarnermut Isumaginninnermullu Ingerlatsiviup angerlarsimaffeqanngitsuunerup Angerlarsimaffeqanngitsuunerlu pillugu immikkoortumut pilersaarutip ineriartornerat ingerlaavartumik malinnaaffigissavaa.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

### **Innuttaasunik peqataatitsineq/attaveqaqatigiinneq**

Housing First-ip najukkani pissutsinut naleqqussarneqarnissaa malinnaatitamit suliamik misillitagaqareersumit sulianillu ingerlatsisunit ingerlaavartumik eqqartorneqartassaaq.

### **Ingerlatsivinnit allanit oqaaseqaatigineqartut**

Angerlarsimaffeqanngitsuuneq pillugu immikkoortumut pilersaarutip suliarineqarnerani Sanarfinermut Avatangiisinullu Ingerlatsivik peqataatinneqarpoq.

### **Siusinnerusukkut aalajangernerit**

*Suliffeqarnermut Isumaginninnermullu Ataatsimiititaq 02. februaar 2021:*

Inassuteqaat akuersissutigineqarpoq, ima oqaaseqaatitalerlugu: Angerlarsimaffeqanngitsunut tunngasut kisitsisaatigineqartut nutarterneqassapput, kisitsisillu paasissutissat angerlarsimaffeqanngitsunut unnuisarfimmeersuunerusut, imaluunniit kommunip najugaqarfeqanngitsunut nalunaarsugaaneersuunersut erseqqissaatigineqassalluni.

### **Ilanngussat**

1. Angerlarsimaffeqanngitsuuneq pillugu immikkoortumut pilersaarut

## **Punkt 05F: Angallanermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk**

### **Beslutning**

Inassuteqaat akuersissutigineqarpoq.

### **Bilag**

Angallanermut immikkoortumut pilersaarutissatut siunnersuut, imm. 1: Pisuinnarnut aamma cykkilertunut

Pilersaarusionermut siunnersuisartumit suliaq (Via Trafik)

# Angallanermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk

Aalajangiiffigisassaq

J.nr.: PRJ-2020-00021

Sanarfinermut Avatangiisinullu Ingerlatsivik – Pisorta Hans Henrik Winther Johannsen / HHWJ

## Suliassamik eqikkaaneq

Matumani Angallanermut pilersaarutissatut siunnersuut, immikkoortoq 1: Pisuinnaat cykkilertullu, Nuuk, angallanermi isumannaatsuunissaat ingerlaffigiuminartumiitinneqarnissaallu qitiutinneqarpoq. Immikkoortumut pilersaarutissatut siunnersuummi siusinnerusukkut angallanermut pilersaarusiartineqartoq killiffissiorneqarpoq, taannalu tunngavigalugu suliniutigineqartussat ingerlanneqarput.

Angallanermi ingerlaarfiit ajornartorsiutaasinnaasut aamma sumiiffiit kiisalu Nuummi ajutoorfiusinnaasut nassuiarneqarput. Sumiiffinni aqquserngit aalajangersimasut pisuinnarnut cykkilertunullu aqqutit pitsaanerusumik isumannaallisaavigineqarnissaannut taanna aaqqiissutissanut siunnersuuteqarfiussaaq.

Aaqqiissutissatut siunnersuutit sanaartornermi pingaarnersiukkatut inissinneqarput.

Suliaq Sanarfinermut Avatangiisinullu Ataatsimiititap februaarip ulluisa 15-iani 2021-mi ataatsimiinnerani oqaluuserineqarpoq, Ataatsimiititamiillu "Angallanermut pilersaarutissatut siunnersuut, immikkoortoq 1: pisuinnaat aamma cykkilertut, Nuuk" akuersissutigineqarpoq suliarlu Aningaasaqarnermut Inuussutissarsiornermullu Ataatsimiititamut tamanut tusarniaassutigineqarnissaa siunertaralugu akuerisassanngorlugu ingerlateqqillugu kiisalu Kommunalbestyrelsimut ilisimatitsissutigisassanngorlugu ingerlateqqillugu.

## Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut Angallanermut pilersaarutit akuerineqassasoq, immikkoortoq 1: Pisuinnaat aamma cykkilertut, Nuuk, tamanut tusarniaassutigineqarnissaa siunertaralugu
- suliaq ilisimatitsissutit Kommunalbestyrelsimut ingerlateqqinneqassasoq

## Suliassamik saqqummiussineq

Immikkoortumut pilersaarut siunissaq ungasinnerusoq pillugu pilersaarutaavoq, ilaatigut Nuummi innuttaasut pisuinnaat cykelertullu atugaannik pitsanngorsaaniissamik qulakkeerinnittussaq.

Pilersaarut una pilersaarutinit katillugit pingasuusunit siulliuvoq, taanna Nuummi angallanermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aaqqiissutissatut siunnersuutaasumik.

Immikkoortut immikkoortillugit politikkikkut suliassanngorlugit ingerlateqqinneqarput, taamaattorli ataatsimut pilersaarusiornermi kapitalinut tulleriaartinneqartutut isigineqarput.

Immikkoortumut pilersaarutissatut siunnersuut pisuinnaat isumannaatsuunissaat ingerlaffigiuminartukkoornissaannillu ataatsimut takorluukkanik nassuiaasuuvoq.

Siusinnerusukkut angallannermut pilersaarussiaq killiffissiorneqarpoq, angallannermilu ingerlaarfiit ajornartorsiutaasut aamma Nuummi sumiiffinnut nassuiarneqarput. Illoqarfimmi ajutoorfiusinnaasunik takutitsinnermut peqatigitillugu pilersaarusiornissamut tunngaviliisuusaaq. Immikkoortumut pilersaarut una aaqqiissutissatut siunnersuutitaqarpoq arlalinnik, taannalu aqqusinernik isumannaannerulersitsissaaq aamma taakkunani paarlallutik ingerlaarfiusunik:

- Siunnersuutigineqarpoq Nerngallaaniit kaajallattarfiup eqqaaniit Sipisaq Kangilliup tungaanut aqqusineq annertunerulersinneqassasoq. Pisuinnaat cykkilertullu aqputaat aqqusernup illuatigoortup silinnerulersinneratigut imaluunniit aqquserngit illugiissillugit illuinnaanut ingerlaarfinngortinnerisigut.

Taakkua saniatigut immikkoortumut pilersaarummi suliniuteqartoqassasoq immikkorluinnaq imatut ittumik:

- Nerngallaani, Qernertunnguani aamma Sipisaq Kangillermi kaajallattariani aqqusineeraliorneq.
- Aqqusinersuakut pisuinnarnut aqqusineeqqat cykelertunullu aqputit pitsanngorsarneri.
- Aqqusinersuarmiit Sanamut Aqputit tungaanut aqqusineeraqarnissaq.
- H. J. Rinksvejimi, Sipisaq Kangillermi aamma Quassunnguami nutaamik kaajallattarialiorneq.
- Illoqarfimmi angallavigiuminarsaaneq eqqarsaatigalugu tamat tummeraannik nalilersuineq sanaartornerlu.

Aaqqiissutissat tamarmik sanaartornermut missingersuuteqartinneqarput.

#### *Aaqqiissutissatut siunnersuut – suliatigut naliliineq*

Nuummi ajutoorfioratarsinnaasut ullumikkut atuuttut tunngavigalugit, ajutooratarnissat annikillissarniarlugit aaqqiissutissatut siunnersuutit arlalinnik suliaqartoqarpoq. Aaqqiissutissatut siunnersuutit najoqqutaralugit attaveqarnerup pioreersup immikkoortukkuutaartumik sanaartorfiunissaanik siunertaqarput. Suliffeqarfik siunnersuisartooq taannaavoq aaqqiissutissanik siunnersuusiortoq, taannalu illoqarfimmi suliaassanik tigummisareerpoq najukkamilu pissutsit ilisimaarilluarlugit kommunimilu ingerlaneq ilanngullugu.

#### *Aningaasatigut sulisoqarnikkullu naliliinerit*

Angallannermut immikkoortumut pilersaarutissap suliarineqarneratigut - immikkoortoq 1: Aqquserngit aamma aqqusineeqqat, Nuuk, aningaasatigut kinguneqarnaviangilaq.

#### *Inatsisitigut tunngavissaq allakkallu tunngaviusumik uppernarsaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarut una pilersaarutinit katillugit pingasuusunit siulliuvoq, taanna Nuummi angallannermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aaqqiissutissatut siunnersuutaasumik. Immikkoortut immikkoortillugit politikikkut suliaassanngorlugit ingerlateqqinneqarput, taamaattorli ataatsimut pilersaarusiornermi kapitalinut tullerriaartinneqartutut isigineqarput.

#### **Aningaasaqarnermut Allatseqarfimmit oqaaseqaatit**

Aaqqiissutissatut siunnersuutit attaveqarnerup pitsanngorsarnissaanut tunngasut, sanaartornissamut 20 mio. koruuninik aningaasaliiffigineqartariaqarsinnaasut Angallannermi immikkoortumut pilersaarummi saqqummiunneqarput. Kommunip 2021-miit 2029-mut sanaartornermut pilersaarutaani attaveqarnermut sanaartorfissagissaanissamullu 50 mio koruunit immikkoortinneqarsimapput. Aningaasaliissutinit taakkuninnga aningaasat kommunimi attaveqaatit pitsanngorsarneqarnissaannut allilerneqarnissaannullu atorneqarsinnaassapput. Aaqqiissutissatut siunnersuutissat toqqarneqareerpata inaarutaasumillu akuerineqareerpata erseqqinnerusumik pilersaarusiorderit missingersuusiorderillu ingerlanneqarumaarput.

### **Innuttaasunik peqataatitsineq/attaveqaqatigiinneq**

Angallannermut pilersaarummut siunnersuut sapaatip-akunnerini arfineq-pingasuni tamanut tusarniaassutigineqassaaq.

### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

### **Siusinnerusukkut aalajangernerit**

*Sanarfinermut Avatangiisinullu Ataatsimiititaq ulloq 15. februaari 2021:*

Inassuteqaat akuersissutigineqarpoq.

### **Ilanngussat**

1. Angallannermut immikkoortumut pilersaarutissatut siunnersuut, imm. 1: Pisuinnarnut aamma cykkilertunut
2. Pilersaarusiordernermut siunnersuisartumit suliaq (Via Trafik)

## **Punkt 05G: Ittoqqortoormiit pillugit tamakiisumik pilersaarutissatut siunnersuut**

### **Beslutning**

Inassuteqaat akuersissutigineqarpoq.

### **Bilag**

Ittoqqortoormiit pillugit tamakkiisumik pilersaarut

## **Ittoqqortoormiit pillugit tamakkiisumik pilersaarutissatut siunnersuut**

Aalajangiiffigisassaq

J.nr.: ANL-2020-00024

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Pilersaarusiornermi periusissaq P18, kommunimut pilersaarut Sermersooq2028, politikikkukut akuersissutigineqartoq toqqammavigalugu Tasiilaq pillugu tamakkiisumik pilersaarusiariqarpoq. Ittoqqortoormiini ineriartornermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup *ineriartornissamut periarfissai nunaqqatigiillu imminnut napatissinnaanerat* misissorneqassasut.

Aalajangersimasumik suliniutini pilersaarutip siunnersuutigaa, ilaatigut Ejnar Mikkelsenip eqqaassutissaata eqqaatigut appakkaaffissat uninngaarfissallu pitsaanerusut, illoqarfimmi issiaviit amerlanerit pingaartumillu pisuinnarnut angalaffissat pitsaanerusut pilersinneqassasut.

Suliaq Sanarfinermut Avatangiisinullu Ataatsimiititap februaarip ulluisa 15-iani 2021-mi ataatsimiinnerani oqaluserineqarpoq, Ataatsimiititamiillu "Ittoqqortoormiit pillugit tamakkiisumik pilersaarutissatut siunnersuut" akuersissutigineqarpoq suliarlu Aningaasaqarnermut Inuussutissarsiornermullu Ataatsimiititamut tamanut tusarniaassutigineqarnissaa siunertaralugu akuersissannorlugu ingerlateqqinneqarpoq kiisalu Kommunalbestyrelsimut ilisimatitsissutisannorlugu ingerlateqqinneqarluni.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Ittoqqortoormiit pillugit tamakkiisumik pilersaarutissatut siunnersuut tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Pilersaarusiornermi periusissaq P18, kommunimut pilersaarut Sermersooq2028, politikikkukut akuersissutigineqartoq toqqammavigalugu Tasiilaq pillugu tamakkiisumik pilersaarusiariqarpoq. Ittoqqortoormiini ineriartornermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup *ineriartornissamut periarfissai nunaqqatigiillu imminnut napatissinnaanerat* misissorneqassasut.

Inuuneq pitsaasoq ajunngitsumik tunngaveqartinniarlugit illoqarfimmi pitsaaqutininut pioreersunut nukittorsaaqataassalluni tamakkiisumik pilersaarutip siunertaraa. Illoqarfimmi katersuuttarfiit pioreersut tapersernissaat pilersaarummi anguniagaavoq. Ittoqqortoormiit najoruminartuujuarnissaanut pitsannorsaavigineqarlutillu nutarterneqassapput.

Ittoqqortoormiinit tunngatillugu siunissami aningaasaqarnikkut pilersaarusiornermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

### **Aaqqiissutissatut siunnersuut – suliatigut naliliineq**

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalileneqarpoq. Taamaallunilu tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisiterisoqarnissaanik naleqqussaasunik imaqarpoq.

Aalajangersimasumik suliniutini ilaatigut pilersaarutip siunnersuutigaa, Ejnar Mikkelsenip eqqaassutissaata eqqaatigut pissutsit pitsaannerusut pilersinneqassasut Qinnгааivanilu neriffiusinnaasunik pingaartumillu pisinnaarnut appakaaffissanik pilersitsisoqassasoq taamaalilluni illoqarfimmi angalaneq ajornannginnerulissamat.

Taassuma saniatigut annikitsut arlallit issivinnik pilersitsinermit qimmilivinnut erngup aqputaanik pilersitsinermut siunnersuutigineqarput.

#### *Aningaasatigut sulisoqarnikkullu naliliinerit*

Tamakkiisumik pilersaarut aningaasaqarnikkut sulisoqarnikkullu sunniuteqartitsissanngilaq, Ittoqqortoormiini iluarsartuussinissamat pitsanngorsaannissamullu aningaasaliisoqartariaqarneranik taakkartuiffiulluni.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
- Kommunitumut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Siunnersuut sapaatip-akunnerini pingasuni tamanut tusarniaassutigineqassaaq, tamannalu Ittoqqortoormiini allagarsiussinikkut kiisalu kommunip tusarniaanermut nittartartagaatigut saqqummiunneqassaaq.

#### **Aningaasaqarnermut Allatseqarfimmit oqaaseqaatit**

2021-mut missingersuutitut isumaqatigiisummi Ittoqqortoormiini tamakkiisumik pilersaarusionerqarnissaanik kissaateqartoqaqqammersoq oqaaseqaatigineqarpoq. Tamakkiisumik pilersaarusionerq 2021-p ingerlanerani pissaaq, tamakkiisumillu pilersaarusionermut aningaasat Pilersaarusionermut Oqartussaqrarfiup missingersuutaanit pissarsiarineqassapput.

Ittoqqortoormiinit tamakkiisumik pilersaarut naammassippat sanaartornermut immikkoortartaqarfimmit Ittoqqortoormiini Najukkami Ataatsimiititaliamut suliniutissanik pilersaarusionermik missingersuusionermullu ikiuttoqassaaq.

#### **Innuttaasunik peqataatsineq/attaveqaqatigiinneq**

Ittoqqortoormiini Najukkami Ataatsimiititaliaq suleqatigalugu tamakkiisumik pilersaarut sulliarineqarpoq, innuttaasunik ataatsimiititsinermilu qulequttanik pissarsiarineqartunik imaqluni. Pilersaarut najukkami ataatsimiititaliamut tamanut tusarniaanermut atatillugu toqqaannartumik nassiunneqassaaq.

#### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

#### **Siusinnerusukkat aalajangernerit**

*Sanarfinermut Avatangiisinullu Ataatsimiititap ulloq 15. februaari 2021:*

Inassuteqaat akuersissutigineqarpoq.

#### **Ilanngussat**

1. Ittoqqortoormiit pillugit tamakkiisumik pilersaarut

# **Punkt 05H: Kommunitut pilersaarutip 2032 inaarutaasumik akuersissutiginneqarnera**

## **Beslutning**

Inassuteqaat akuersissutigineqarpoq, Siumumiit ikinnerussuteqartutut ima oqaaseqaatitaqarluni: inuit asialaarfissaat aamma pingaartinneqartariaqarput.

## **Bilag**

Tusarniaassummut akissuteqaatinik takkuttunik suliarinninneq

Tusarniaanermi akissutit

Tusarniaanerup kingunerisaanik allannguutit allattorsimaffiat

<https://sermersooq.gl>

## **Kommunimut pilersaarutip 2032 inaarutaasumik akuersissutiginneqarnera**

Aalajangiiffigisassaq

J.nr.: EMN-2020-26540

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsiviup kommunimut pilersaarut nutartigaq suliarinikuuaa, Kommuneqarfik Sermersuumut tamarmut atuuttussa, maannalu taanna sapaatip akunnerini arfineq-pingasuni tamanut tusarniaassutigineqareerpoq. Piffissami tusarniaaffiusumi tusarniaanermut akissutit 26-t tiguneqarput, taakkualu allannguuteqartitsinissamut tunngavissiiingillat.

Siunnersuut kommunimut pilersaarutip atuuttup ilaannakuusumik iluarsiiissutitaraa, Pilersaarusiornermut periusissami P18-imi aalajangerneqartutut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarut nutaaq qarasaasiakkut uani pissarsiarineqarsinnaavoq: <https://kp.sermersooq.gl/>

Suliaq Sanarfinermut Avatangiisinullu Ataatsimiititap februaarip ulluisa 15-ianni 2021-mi ataatsimiinnerani oqaluserineqarpoq, ataatsimiititamiillu 2032-mut Kommunimut pilersaarut akuersissutigineqarpoq suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarut 2032 akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsiviup kommunimut pilersaarut nutartigaq suliarinikuuaa, Kommuneqarfik Sermersuumut tamarmut atuuttussa, maannalu taanna sapaatip akunnerini arfineq-pingasuni tamanut tusarniaassutigineqareerpoq. Piffissami tusarniaaffiusumi tusarniaanermut akissutit 26-t tiguneqarput, taakkunanga amerlanerit Nuummi golfertarfiup, inuussutissarsiuteqarfimmut inissaqartitsinissaq siunertaralugu, nuutinneqarnissaanut akerliupput. Kisianni ingerlatsiviup ineriartortitsinissamut pilersaarutip attatiinnarneqarnissaa, tassanilu Golfklubben nunaminertamik allamik periarfissinneqassasoq innersuussutigaa.

Siunnersuut kommunimut pilersaarutip atuuttup ilaannakuusumik iluarsiiissutitaraa, Pilersaarusiornermut periusissami P18-imi aalajangerneqartutut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarut nutaaq qarasaasiakkut uani pissarsiarineqarsinnaavoq: <https://kp.sermersooq.gl/> Kommunip pilersaarutaani siunnersuut nutaaq, ukiuni sisamani kingullerni kommunimut pilersaarummut tapiliussami allannguutit aqquutigalugit suliaavoq Kommunimut pilersaarutip nutarternerani arlalialunnik allannguisoqarpoq, nutarterisoqarpoq aamma immikkoortut ilaannut ilanngussisoqarpoq.

Pilersaarusiornermi toqqammavigineqartoq pioreersoq aallaavigalugu (Kommunimut pilersaarut 2028), immikkoortut ilaasa atorineqarnissaat nunaminertanillu atugassiissuteqartarnermut

tungasuni, kommunimi tamarmi assigiinnik malittarisassaqaarnissaq qulakkeerniarlugu allaqqinneqarput iluarsartuunneqarlutillu.

Kommunimut pilersaarummi immikkoortut ataasiakkaat assigiingitsukkuutaanik allanguiffigineqarput:

- Nutarterinermut atatillugu **pingaarnertut ilutsimi** oqaaseqatigiit aqqissorneqarput kingunerisassallu iluarsanneqarlutik.
- Pilersaarusiornermi **tungaviit pioreersut aallaavigalugit**, nunaminertamik atugassiinermi allaqqiisoqarpoq aqqiisoqarlunilu inatsimmi piumasaqaatit ingerlatseriaatsillu tungavigalugit, qulakkeerniarlugu kommunimi tamarmi nunaminertamik qinnuteqartoqartillugu sullissinermi assigiinnik malittarisassaqaarnissaq.
- **Tungaviusumik aalajangersakkat** nutaat nutartikkat, immikkoortut ilaanni tamani tamanut aalajangersakkatut atuuttussatut ilanngunneqarput, illoqarfinnut/nunaqarfinnullu aammalu nunaannarmut atuuttut.
- Immikkoortut ilaanni 444-ni **aalajangersakkat pingaarnerit** sukumiisumik misissorneqarput. Aalajangersakkat suuneri najoqqutaralugit tamangajammik suliaapput - imaappoq, assigiissakkanik oqaasertalersorneqarput, assigiissakkanik malittarisassaqaarnissaq qulakkeerniarlugu, kisianni inoqarfiit kommunimilu sumiiffiit assigiingitsut ataqqillugit.

Pilersaarutip nutarternerata nalaani aamma saqqaa ilusaalu qarasaasiakkut sukumiisumik naleqqussarneqarlunilu nutarterneqarpoq. Tamaaliornermi innuttaasunut ataasiakkaanut taamatullu sullissisumut paasisutissanik attuumassuteqartunik ujarlernerne pisariinnerulernissaa pingaarnertut siunertaalluni.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup kommunimut pilersaarutitut nutaatut siunnersuutip pilersaarusiornissamut, sanaartugassanik suliarinnittarnermut nunaminertanillu atuinissamik qinnuteqaatit suliarineqartarnerinut pitsaanerusemik nutartikkamillu toqqammavissaqalissasoq nalilerpaa.

Pilersaarut ukiuni tulluuttuni 12-ini kommunimi naleqquttumik attanneqarsinnaasumillu ineriartortitsisoqarnissaanut iluaqutaassaaq.

#### *Aningaasatigut sulisoqarnikkullu naliliinerit*

2032-mut Kommunimut pilersaarut toqqaannartumik kommunimut tungaviatigut aningaasartuutaassanngilaq, kommunip ingerlaavartumik pilersaarusiortarneranut ilaatinneqarmat.

#### *Inatsisitigut tungavissaq allakkallu tungaviusumik uppersaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq

#### *Ingerlariaqqinnissaq*

Kommunimut pilersaarut inaarutaasoq 2021-ip aallartinnerani politikikkut ataatsimiititanut saqqummiunneqassaaq, kingornagullu tamanut nalunaarutigineqassalluni.

#### **Aningaasaqarnermut Allatseqarfimmit oqaaseqaatit**

Kommunimut pilersaarut 2032 siuliini eqqaaneqareersutut Kommuneqarfik Sermersuumut aningaasaqarnikkut toqqaannartumik kinguneqartitsissanngilaq. Kommunimut pilersaarummi siunnersuutit takorluukkallu kommunip ukiumut missingersuusiornarneranut atatillugu sanaartugassanut aningaasaliissutaanut immikkoortukkaarlugit saqqummiunneqassapput.

#### **Innuttaasunik peqataatitsineq/attaveqatigiinneq**

Pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqarpoq, piffissami 14 oktobarimiit – 9 decembarip tungaanut.

Piffissami tusarniaaffiusumi Sanarfinermut Avatangiisinullu Ingerlatsiviup qitiutinneqartumik suliallit (titartaasarfiit, inerisaasut siunnersortillu allat) aalajangersakkat allannguutaat aammalu nittartakkap nutaamik aaqjissuunneqarnera pillugit paasissutissiinertalimmik ataatsimeeqatigisarpai.

Kommunimi ataatsimut pilersaarusiap paasilluarneqarnissaa qulakkeerniarlugu aamma ingerlatsivinnit assigiinngitsunit pisortaqatigiinniillu sammineqareerpoq.

### **Oqaaseqaatit allat**

Oqaaseqaateqartoqanngilaq.

### **Siusinnerusukkut aalajangernerit**

*Sanarfinermut Avatangiisinullu Ataatsimiititaq 15. februaari 2021:*

Inassuteqaat akuersissutigineqarpoq.

### **Ilanngussat**

1. Tusarniaassummut akissuteqaatinik takkuttunik suliarinnineq
2. Tusarniaanermi akissutit
3. Tusarniaanerup kingunerisaanik allannguutit allattorsimaffiat
4. <https://sermersooq.gl>

# **Punkt 05I: Kommunimut pilersaarummut tapiliussap 2B2-5, inuussutissarsiuteqarfik Qeqertat inaarutaasumik akuersissutigineqarnera**

## **Beslutning**

Inassuteqaat akuersissutigineqarpoq.

## **Bilag**

Tusarniaassummut akissuteqaatinik takkuttunik suliarinninneq

Tusarniaanermi akissutit

Kommunimut pilersaarummut tapiliussaq 2B2-5

# **Kommunimut pilersaarummut tapiliussap 2B2-5, inuussutissarsiuqarfik Qeqertat inaarutaasumik akuersissutigineqarnera**

Aalajangiiffigisassaq

J.nr.: ANL-2020-00011

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

## **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut 2B2-5. Ilanngullugu sissami nunniornikkut nunamut atasussamik naammattumik nunaminertaqarnissaa qulakkeerneqassaaq. Taama iliornikkut ilaatigut tankeqarfiup pioreersup allilernissaanut periarfissaqalissaaq.

Ilanngullugu imarivaa aqqissuussinermi oqaasertaasut allanngortinnissaat, aalajangersagartaanik sakkortusaataasumik.

Piffissami tusarniaaffiusumi tusarniaanermut akissutit 5-t tiguneqarput, taakkualu allannguuteqartitsinissamut tunngavissiiingillat.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluuserineqarpoq, ataatsimiititap "Kommunimut pilersaarummut tapiliussap 2B2-5, Inuussutissarsiuqarfik Qeqertat" akuersissutigaa suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

## **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussap 2B2-5, inuussutissarsiuqarfik Qeqertat, Nuuk
- suliaq inaarutaasumik akuersissanngorlugu Kommunalbestyrelsimut ingerlateqqinneqassasoq

## **Suliamik saqqummiussineq**

Kommuneqarfik Sermersuup Illoqarfiit pingaarnersaat pillugu periusissiap Kommunalbestyrelsimut akuersissutigineqarneratigut ilaatigut Nuummi inuussutissarsiuqarfik pitsanngorsaaviginissaat periarfissaannillu siuarsaaviginissaat aallutarineqarpoq. Matumani inuussutissarsiuqarfik "*nunani tamalaani, nunatsinni illoqarfimmilu suliffeqarfinnut pilerinarsarlugu*" ineriartortissavarput.

Pilersaarut pioreersoq tunngavigalugu Kommunimut pilersaarummut ilassutissatut matumuuna suliarineqarpoq makkuninnga allannguuteqartillugu:

Annertussuseq immikkuualuttuni A aamma C allanngortinneqassaaq, tankeqarfiup toqqavianut nunamut atasortaa pioreersoq 3.600 m<sup>2</sup> miss. allilerneratigut. Tankeqarfiup pioreersup sissaata kujataatungaata nunniorneratigut tamanna pissaaq.

Immikkuualuttoq B allilernerqassaaq (avannamut kangiataungaani immikkuualuttoq A annikillineratigut), immerlugu 15.000 m<sup>2</sup> miss sissaq immerneratigut taannalu talittarfeqarfimmut atatillugu atorneqarsinnaavoq.

Immikkuualuttoq nutaaq pilersinneqassaaq, *immikkuualuttoq E*, immerneqareeripat inuussutissarsiuqarfik siunertalinnut, quersuaqarnermut allanulluunniit inaalitsivittut talittarfiup eqqaaniittariaqartunut atorneqarsinnaasoq. Immikkuualuttoq E sanaartorfiussaguni qummut 15 m portunerussanngilaq.

Immikkuualuttut atorineqarnerat ataasiakkaani allaaserineqassaaq:  
*Immikkuualuttoq A* talittarfeqarnermut siunertaqassaaq.

*Immikkuualuttut B, C & D* talittarfeqarnermik inuussutissarsiornermut atugassanngortinneqassapput

*Immikkuualuttoq E* quersuaqarfittut allanulluunniit inaalitsivittut talittarfeqarfiup eqqaaniittariaqartunut siunertalinnut atugassanngortinneqassaaq.

Sanaartorfissanik nutaanik pilersitsisoqassaaq, atorineqassappatalu arlaqartut immerneqaqqaartariaqarput.

#### *Aaqqiissutissatut siunnersuut – suliatigut naliliineq*

Immikkuualuttoq 2B2 pilersikkiartuaarnera pivoq kommunalbestyrelsip takorluugaatut inuussutissarsiorfittut imminut atasumik mittarfeqarfimmit kujammut Qeqertat / Fyrø tungaanut. Kommunimut pilersaarummut ilassutissatut, Qeqertat inuussutissarsiornerup tungaatigut pitsaasumik ineriartortinneqarneranut, inuussutissarsiornerup piorsarneqarnissaanut pissusissamisoortumik alloriarnissap tullianut ilapittuutaanissaa ingerlatsivimmit nalilerneqarpoq. Kommunimut pilersaarummut ilassutit pioreersut Sikuki Nuuk Harbour sumiiffimmi atortorissaaruteqarnikkut sanaartorfissaliornikkullu pilersitsiffigereerpai aamma matuma immap / sissap nunniortoratigut nunaminertat nunamut atasut annertusitissavai taamaalilluni nutaanik sanaartorfissaqalissaaq.

#### *Aningaasatigut sulisoqarnikkullu naliliinerit*

Oqaaseqaateqanngilaq.

#### *Inatsisitigut tunngavissaq allakkallu tunngaviusumik uppersaatitalit*

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Maanna atuuppoq kommunimut pilersaarummut tapiliussaq 2B2-5 kommunimut pilersaarut 2B2-4 atorunnaarsinneqarpoq

#### **Aningaasaqarnermut Allatseqarfimmit oqaaseqaatit**

Ikke relevant.

#### **Innuttaasunik peqataatitsineq/attaveqaqatigiinneq**

Pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqarpoq, piffissami 16. septembarimiit – 11. novembarip tungaanut.

#### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

#### **Siusinnerusukkat aalajangernerit**

*Sanarfinermut Avatangiisinullu Ataatsimiititaq ulloq 15. februaari 2021:*

Inassuteqaat akuersissutigineqarpoq.

#### **Ilanngussat**

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit

3. Kommunitum pilersaarummut tapiliussasatut 2B2-5, Inuusutissarsiteqarfik Qeqertat, Nuuk

## **Punkt 05J: Kommunimut pilersaarummut tapiliussap 3A3-8 Ammassat, Nuuk inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutininik suliaqarneq

Tusarniaanermit akissutit

Kommunimut pilersaarummut tapiliussaq 3A3-8

# **Kommunimut pilersaarummut tapiliussap 3A3-8 Ammassat, Nuuk inaarutaasumik akuersissutigineqarnera**

Aalajangiiffigisassaq

J.nr.: ANL-2020-00017

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

## **Suliassamik eqikkaaneq**

Sumiiffimmut Ammassannut kommunimut pilersaarummut tapiliussaq, immikkoortup ilaani 3A3-mi Paarnani inissiaqarfik immikkuualuttoq A sap.ak. 8-ni tamanut tusarniutigineqarnikuuvoq. Tusarniummut akissutit 11-t tiguneqarput, ataaserlu tusarniummut akissuteqarnissamut piffissaliussaq qaangiutereersoq tiguneqarluni. Taakku annikitsunik oqaasertaatigut taamaallaat aaqqiissuteqartitsipput. Aaqqiissutigineqartuni annerpaaq tassaalluni nutaanik quilliorfissatut sanaartorfissat pilersaarummit peerneqarnerat. Allanguutit tamarmik ilanngussami 1-imi allassimapput.

Kommunimut pilersaarutikkut naqqup ilua, qaliarpaaq, quilu atorunnaarnerisigut inissiamik allilerisoqarsinnaanera periarfissaalissaaq, sanaartorfissiallu iluani inissiat ataasiakkaat illup isuiniittut allilernerqarsinnaassallutik. Tamatuma saniatigut aneersuutarfiit naatsiiviillu allilernerqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkuilu ataqqineqarlutillu attatiinnarneqassapput.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluserineqarpoq, ataatsimiititalu "kommunimut pilersaarummut tapiliussaq 3A3-8 Ammassat, Nuuk" akuersissutigissagaa suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarpoq.

## **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 3A3-8 Ammassat, Nuuk akuersissutigineqassasoq
- kommunimut pilersaarummut tapiliussaq 3A3-8 Ammassat, Nuuk Kommunalbestyrelsimut inaarutaasumik akuersissutigineqarnissaanut ingerlateqqinneqassasoq

## **Suliassamik saqqummiussineq**

Kommunimut pilersaarummut tapiliussami immikkoortoq Ammassat, immikkoortup ilaani 3A3 Ineqarfik Paarnaniittoq pineqarpoq.

Immikkoortup ilaa 3A3 Nuup avannamut kitaaniippoq, Kangillinnguit ilaaniippoq, tamaanilu illoqarfimmi atuuffinnik arlalinnik neqerooruteqarpoq pinngortitamut illoqarfimmullu qanittuulluni, ineqarfissatullu pilergineqartuulluni.

Kommunimut pilersaarummut tapiliussaq suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilergineqartuaannarniassammat. Tassunga atatillugu ingerlatsivik inissiaqarfimmi

sanaartorfigineqanngitsortaa pillugu, pitsaaqutaalu pillugu tamakkiisumik nalilersuivoq, aammalu inissiat qanoq ilillutik allilerneqarsinnaanersut siunissamullu qulakkeerneqarsinnaanersut, tamakkulu tamarmik sumiiffimmi illuliortaaseq immikkullu ilisarnaatai atatinneqarlutik.

Kommunimut pilersaarummut tapiliussaq imaattunik siunertaqarpoq:

- inissiat pioreersut allilerfissaqarnissaannut periarfissiinissaq, taamaasilluni immikkoortoq tamanna siunissamut qulakkeerneqarniassammat.
- immikkoortup pitsaaqutai sumiiffimmi illuliortaaseq attatiinneqassasut nukittorsarneqarlutillu - matumani oqinnerusumik illuliortaaseqarneq, annertussuseq, qaliat sivingasut, illut saqqai nallersuuttut, qalipaait atortullu.
- eqiterinissamut najoqqutassamut tunngavissaliortoqassasoq, silamilu nunaminertanut tunngasunik aalajangersaasoqassasoq, matumani quinik nutaanik sanaartorneq, aneerasaartarfinnik alliliineq naatsivilersuinerlu.

Kommunimut pilersaarutikkut naqqup ilua, qaliarpaaq, quilu atorunnaarnerisigut inissiamik allilerisoqarsinnaanera periarfissaalissaaq, sanaartorfissiallu iluani inissiat ataasiakkaat illup isuiniittut allilerneqarsinnaassallutik. Tamatuma saniatigut aneersuutarfiit naatsiiviillu allilerneqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkuilu ataqqineqarlutillu attatiinneqassapput.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup kommunimut pilersaarutit ilassuteqaatit siunnersuummi immikkoortup suli orniginartutut ineriartortinneqarnissaa qulakkeerneqartoq nalilerpaa, kiisalu illuliortaaseq immikkuullarissaq tamakkiisorlu attatiinneqassasoq. Ingerlatsiviup nalilerpaa kommunimut pilersaarummut tapiliussatut siunnersuut atorlugu illoqarfiup pitsaasumik ineriartortinneqarnissaa Illuliortaatsikkut politikkimi akuerisat malillugit aammalu kommunimut pilersaarut Sermersooq2028 naapertorlugu pissasoq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussaq namminermigut aningaasatigut kinguneqartitsissanngilaq.

#### *Inatsisitigut tunngavissaq allakkallu tunngaviusumik uppersaatitalit*

- Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussap inaarutaasumik akuersissutigineqarnerata kingorna pilersaarummi malittarisassat taaneqartut malillugit sumiiffik ineriartortinneqassaaq.

#### **Aningaasaqarnermut Allatseqarfimmit oqaaseqaatit**

Pingaarteqanngilaq.

### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliusaaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 18-anniit januaarip ulluisa 13-ata 2021-p tungaanut.

Piffissami tusarniaaffiusumi tusarniummut akissutit 11-t tiguneqarput, ataaserlu tusarniummut akissuteqarnissamut piffissaliusaaq qaangiutereersoq tiguneqarluni. Taakku annikitsunik oqaasertaatigut taamaallaat aaqqiissuteqartitsipput.

Kommunimut pilersaarummut tapiliusaaq inaarutaasumik akuersissutigineqartoq tamanut saqqummiunneqassaaq kommunimut pilersaarummut nittartakkami uani [www.sermersooq2028.gl](http://www.sermersooq2028.gl)

### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

### **Siusinnerusukkut aalajangernerit**

*Sanarfinermut Avatangiisinullu Ataatsimiititaq 26. oktobari 2020:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq 12. novembari 2020:*

Inassuteqaat akuersissutigineqarpoq.

*Kommunalbestyrelsi 24. novembari 2020:*

Inassuteqaat akuersissutigineqarpoq.

*Sanarfinermut Avatangiisinullu Ataatsimiititaq 15. februaari 2021:*

Inassuteqaat akuersissutigineqarpoq.

### **Ilanngussat**

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliusaaq, 3A3-8 Ammassat, Nuuk

## **Punkt 05K: Pisortani ataatsimoorussamik ikuallaavik**

### **Beslutning**

Inassuteqaat akuersissutigineqarpoq.

### **Bilag**

Piffissami 2021-mit 2025-mut inuussutissarsiutigut ineriartornermut pilersaarummut tunngasumik allakkiaq

## **Pisortani ataatsimoorussamik ikuallaavik**

Nuummi inissiinissaq

Aalajangiiffigisassaq

J.nr.: EMN-2019-01436

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Pisortani ataatsimoorussamik nutaaliaasumik ikuallaavittaarnissamut atatillugu, ingerlatsiviup ESANI A/S suleqatigalugu inissiiffiususaaq nalilersoqqissimavaa. Pissutsit assigiinngitsut ataani erseqqissaatigineqartut pissutigalugit, ikuallaavik nutaaq maannakkut ikuallaaviup eqqannguani inissinneqarsinnaassappat, aaqqiissutissatut pitsaanerpaajussaaq.

Suliaq Sanarfinermut Avatangiisinullu Ataatsimiititap februaarip ulluisa 15-ianni 2021-mi ataatsimiinnerani oqaluuserineqarpoq, ataatsimiititamiillu "Ikuallaavik pisortanit ataatsimoorusaaq" akuersissutigineqarpoq suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut akuersissutigisassanngorlugu ingerlateqqinneqarluni.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ikuallaaviup pisortanit ataatsimoorussap siunissami inissiffissaa akuersissutigineqassasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Nutaaliaasumik pisortani ataatsimoorussamik ikuallaavittaarnermut atatillugu, ingerlatsiviup ESANI A/S suleqatigalugu inissiiffiususaaq nalilersoqqissimavaa. Pissutsit assigiinngitsut pissutigalugit, ataani erseqqissaatigineqartut, ikuallaavik nutaaq, maannakkut ikuallaaviup eqqannguani inissinneqarsinnaassappat, aaqqiissutissatut pitsaanerpaajussaaq.

1. Nunatat inuussutissarsiuteqarfiit. Isuliffimmi umiatsiat containerillu kommunip inissiiffigitittagaaniittut nuutinnerisigut, inuussutissarsiorfinnut m2-erpaaluit atugassiissutaasinnaapput. Isuliffimmi toqqaviit sanaartorfissagissarneqareerput, taamaattumillu ingerlatsiviup nalilerpaa, inissiiffiusartumik allamut, suli innaallagissamut, imermut kiassanermullu tunngatillugu sanaartorfissagissagaanngitsumut, nuutitsineq kommunimut iluaqutaanerussasoq.
2. Kommunip inuussutissarsiuteqarfiit attassinnaasumik nukissiuuteqartinnissaat qulakkiissavaa, tassami ungasianiit kiassarneq pioreersoq pitsaanerpaamik atorpeqareemat aammalu Kangerluarsunnguamiit pilersuinerup ikuallaavimmit nutaamiit sinneruttumik avatangiisinut mingutsitsinnginnerusumik nukissiuutiliorfiusumit pilersueqataatinnissaa eqqarsaatigineqarmat.
3. Sanaartorfissagissaanissamut tunngatillugu pilersaarutit kommunip naleqqussarsinnaavai, taamaasillutik taakkua atuutilersinneqarsinnaammata inuussutissarsiuteqartut toqqavinnik sanaartorfissagaareersunik noqqaaneri ilutigalugit.

4. Kommuni inuussutissarsiuteqarfinnut nutaanut toqqavinnik sanaartorfissagissaanermut aningaasartuutai inuussutissarsiornermut ineriartortitsineq ilutigalugu pisassapput. Taamaalilluni sanaartorfissagissaasarnermut tunngatillugu kommunip aningaasanik pisariaqartitsinera annikillisinneqassaaq.
5. Ikuallaavimmi pioreersumi atortut pigineqareersut aannertunerusumik atorneqalersinnaapput, ikuallaaviup nutaap attassinnaasup atorneqaleriartornera ilutigalugu.

#### *Aaqqiissutissatut siunnersuut – suliatiqut naliliineq*

Ikuallaaviup pioreersup eqqaani inissiinerup kingunerissavaa kommunip ataqatigiissumik inuussutissarsiuteqarfinnik ineriartortitseqqinnissaa, kommunimut pilersaarutissami Qeqertaniit pinerluuteqarsimasunik isertitsiviup tungaanut isorartutigisumiittussami. Anguniarneqartoq tassaavoq, illoqarfimmi angallassissutit oqimaatsut ilarpassui tamassuma iluaniitinneqarsinnaanissaat, tamatumalu kingunerissallugu pitsaanersumik illoqarfimmi inuuneqarneq, aqquuserngit nungullajanninneruneri aammalu minnerunngitsumik illoqarfimmi inuussutissarsiuteqarfiit ataqatigiinnerulernissaat.

Ikuallaavik nutaaliaasoq attassisinnaasunngorlugu ingerlanneqassappat avatangiisinut tunngasunik piunasaqaatinik sukannersunik naammassinnissinnaasariaqarpoq. Avatangiisinut tunngatillugu piunasaqaatit makkua qulakkeerneqassapput:

1. Ikuallaavimmit (putsumik gasilimmik) aniatitsinerit EU-mi aniatitsinermut piunasaqaatit naapertorlugit nakkutigineqartussaapput. Ima isumaqarluni ikuallaavimmit pujoq tassaassaaq silaannarmut agguaqatigiissillugu mingutsitsinnginnerusussavaoq.
2. Ikuallaavimmit tipiliortoqassanngilaq, tassami eqqakkanik passussineq inini matoqqasuni ingerlanneqartassamat, taakkunanani ataavartumik naqitsineq atorneqassalluni. Eqqakkanik katersuuffinni silaannaq aniatinneqartoq ikuallaanerup ingerlanneqarnerani atorneqartassaaq.

Ikuallaaviit nutaaliaasut attanneqarsinnaasumillu ingerlatsisut Danmarkimi amerlanertigut inuussutissarsiuteqarfiit angisuut imaluunniit inissiaqarfiit eqqannguanni inissisimasarput, taamaasilluni kissaq ikuallaavinnit pilersinneqartoq inissianut suliffeqarfinnullu eqqaaniittunut atorluarneqarsinnaaqullugu.

Pilersaarusiornermi piffissalersuinissaq eqqarsaatigalugu inuussutissarsiuteqarfissanut nunatanik sanaartorfissagissakkanik suli amerlanerusunik atugassiisoqarsinnaavoq, ullumikkut tamakkiisumik atorneqanngitsunik. Tamanna pissaq Qeqertani kommunip inissiiffigisartagaasa nuutinnerisigut, pilersaarummi atuuttumi kommunimut imaluunniit kommunip 100%-imik suliffeqarfiutaasa ilaannut atugassiisutaasumi. Isumaqatigiissutit inuussutissarsiuteqarfinnut imaluunniit inissiiffissatut siunertanut immikkoortinneqarput.

Immikkoortup ilaa maannakkut ikuallaaviup inissiiffissatut immikkoortinneqartoq, siunertanut immikkoorteriigaavoq, taamaattumillu nutaamik sanaartorfissaliisoqartariaqarpoq. Taamaaliornikkut minnerunngitsumik ikuallaaviup pioreersup nutaamik sanasoqarnerata nalaani atorsinnaanera qulakkeerneqassaaq.

#### *Aningaasatigut sulisoqarnikkullu naliliinerit*

Ilanngussaq innersuussutigineqarpoq.

*Inatsisitigut tunngavissaq allakkallu tunngaviusumik uppersaatitallit*

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-meersoq
- Kommunitumut pilersaarut digitaliusoq [www.sermersooq2028.gl](http://www.sermersooq2028.gl)

*Ingerlariaqqinnissaq*

2021-ip aallartisimalernerani kommunimut pilersaarummut tapiliussamik nutaamik suliaqartoqassaaq, tassuunakkut pilersaarusionerminni inatsisitigut sinaakkutissat periarfissalernerneqassallutik. Taanna 2021-imi kvartalit aappaanni politikikkut suliarineqarnissaa naatsorsuutigineqarpoq.

**Aningaasaqarnermut Allatseqarfimmit oqaaseqaatit**

Pingaarteqanngilaq.

**Innuttaasunik peqataatitsineq/attaveqaqatigiinneq**

Kommunitumut pilersaarummut tapiliussaq sapaatip-akunnerini arfinilinni minnerpaamik tamanut tusarniaassutigineqassaaq, tamannalu Nuuk Ugeaviisimi nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

**Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

**Siusinnerusukkut aalajangerit**

*Sanarfinermut Avatangiisinullu Ataatsimiititap ulloq 15. februaari 2021:*  
Inassuteqaat akuersissutigineqarpoq.

**Ilanngussat**

1. Piffissami 2021-mit 2025-mut inuussutissarsiuutitigut ineriartornermut pilersaarummut tunngasumik allakkiaq.

# **Punkt 05L: Nuussuarmi Inuusuttunut inissianik Utoqqarnullu inissianik pilersaarummut qinnuteqaammut inaarutaasumik akuersissutiginninneq**

## **Beslutning**

Inassuteqaat akuersissutigineqarpoq.

## **Bilag**

Tusarniaassummut akissuteqaatinik takkuttunik suliarinninneq

Tusarniaanermi akissutit tiguneqartut

Ilanngussat ilanngullugit pilersaarummut qinnuteqaat

Inatsisartut inatsisaat nr. 34, 9. december 2015-imeersoq

Qulakkeerinninniarnermi najoqqutassiaq Sanarfinermut Avatangiisinullu Ingerlatsivimmit suliarineqartoq

Inibyq Aps-imit pilersaarutitut siunnersuummik nalilersuinermi immersugaq

Immikkoortup ilaani 3C2-mi nutaamik oqaluffiliornissaq pillugu ataatsimiinnermi imaqarniliaq

Pilersaarutitut siunnersuut alla, ilanngussartalik Nuuk City Invest Aps-imeersoq

Nuuk City Invest ApS-imit pilersaarutitut siunnersuummik nalilersuinermi immersugaq

# **Nuussuarmi Inuusuttunut inissianik Utoqqarnullu inissianik pilersaarummut qinnuteqaammut inaarutaasumik akuersissutiginnineq**

Aalajangiiffigisassaq

J.nr.: ANL-2020-00012

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

## **Suliassamik eqikkaaneq**

Nuussuarmi Inuusuttunut inissianik Utoqqarnullu inissianik pilersaarummut qinnuteqaat kommunalbestyrelsip ulloq septembarip aallaqqaataani 2020-mi ataatsimiinnermini tamanut tusarniutigisassanngorlugu akuersissutigigaa. Pilersaarutitut siunnersuut sapaatip akunnerini arfineq pingasuni piffissami septembarip 9-ani 2020-miit novembarip 4-ni 2020 tikillugu tamanut tusarniutigineqareerpoq.

Pilersaarutit siunnersuut Inibyg-imit qinnuteqaataavoq, taannalu immikkoortup ilaani 3C2-mi aamma 3C5-imi inuusuttunut inissianik 120-nik kiisalu immikkoortup ilaani 3D1-imi utoqqarnut inissianik 65-inik sanaartorusuppoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu.

Tusarniuteqartoqarani tusarniummut akissutit tallimat kiisalu allatut siunnersuut ataaseq tiguneqarput. Tamatuma saniatigut ingerlatsivik Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarpoq, immikkoortup ilaani 3C2-mi oqaluffiliornissamut pilersaarutit nassuiaassutiginiarlugit, ullumikkummi immikkoortoq oqaluffeqarnermut siunertanut atugassanngortitaammat.

Tusarniummut akissutit, allatut pilersaarummut siunnersuut imaluunniit immikkoortup ilaani 3C2-mi nutaamik oqaluffiliornissaq pillugu ataatsimeeqateqarneq annertuumik allannguinissamut sillimaffigisassaqarnissamulluunniit pissutissiinngillat.

Ingerlatsiviup pingaarnertut nalilerpaa, pilersaarutitut siunnersuut kommunillu pingaarnertut pilersaarutaanut periusissaanullu kiisalu kommunip illuliortaatsimut politikianut naapertuulluartoq.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluserineqarpoq, ataatsimiitiamiillu "Nuussuarmi Inuusuttunut inissianik Utoqqarnullu inissianik sanaartornissamut qinnuteqaat" akuersissutigineqarluni suliarlu Aningaasaqarnermut Inuusutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

## **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- sanaartornissamut siunnersuut suliameqallu tunngatillugu ingerlariaqqinnissaq akuersissutigineqassasut

- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Nuussuarmi Inuusuttunut inissianik Utoqqarnullu inissianik pilersaarummut qinnuteqaat kommunalbestyrelsip ulloq septembarip aallaqqaataani 2020-mi ataatsimiinnermini tamanut tusarniutigisassanngorlugu akuersissutigigaa. Pilersaarutitut siunnersuut sapaatip akunnerini arfineq pingasuni piffissami septembarip 9-ani 2020-miit novembarip 4-ni 2020 tikillugu tamanut tusarniutigineqareerpoq.

Pilersaarutit siunnersuut Inibyg-imit qinnuteqaataavoq, taannalu immikkoortup ilaani 3C2-mi aamma 3C5-imi inuusuttunut inissianik 120-nik kiisalu immikkoortup ilaani 3D1-imi utoqqarnut inissianik 65-inik sanaartorusuppoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqputaa, Nuussuaq aamma Siaqqinneq atassuserlugit kaajallattarialiornissani kissaatigalugu. Pilersaarummut siunnersuut tamarmi ilanngussaq 3-mi takuneqarsinnaavoq.

Tusarniuteqartoqarani tusarniummut akissutit tallimat kiisalu allatut siunnersuut ataaseq tiguneqarput. Tamatuma saniatigut ingerlatsivik Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarpoq, immikkoortup ilaani 3C2-mi oqaluffiliornissamut pilersaarutit nassuiaassutiginiarlugit, ullumikkummi immikkoortoq oqaluffeqarnermut siunertanut atugassanngortitaammat.

Tusarniummut akissutit, allatut pilersaarummut siunnersuut imaluunniit immikkoortup ilaani 3C2-mi nutaamik oqaluffiliornissaq pillugu ataatsimeeqateqarneq annertuumik allannguinnissamut sillimaffigisassaqarnissamulluunniit pissutissiingillat.

### Immikkoortup ilaani 3C2- oqaluffik pillugu ataatsimiinneq

Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarnermi, sinniisuutitaasut immikkoortup ilaani 3C2-mi siulliusussaataitanertik atorunnaarsippaat, ukiunimi ukiorpaalunni tulliuuttuni nutaamik oqaluffiliornissaq piviusorsiuussagaanni akissaqartinneqanngilaq. U. 9.12.2020-mi ataatsimiinnermi imaqarniliaq suliassamik saqqummiussinermi ilanngussaq 7-itut ilanngunneqarpoq.

Siorarsiorfimmi immaqaluunniit illoqarfiup ilaani allami inissiffissaqqissorsiorinissaq suleqatigiissutigilluarneqarumaartoq ataatsimiinnermi ingerlatsivimmit oqariartuutigineqarpoq.

### Pilersaarutitut siunnersuut alla

Nuuk City Invest tusarniaanerup ingerlanerani pilersaarutitut siunnersuummik allamik nassiussivoq, "Nuussuaq – inissiaqarfik". Pilersaarummut qinnuteqartup kissaatigaa, Nuussuarmi immikkoortup ilaani 3C2-mi, 3C5-imi aamma 2D3-mi ilinniartunut kisimiittunut/aappariinnut, ilaqutariinnut aamma utoqqarnut 94-inik inissialiornissaq, ininik ataatsimoorfissanik ilallit. Pilersaarutitut siunnersuut 10.000 m2 tamakkiisumik annertussuseqarpoq. Qinnuteqartorlu silami nunaminertamik ineqartunut, Nuummilu innuttaasunut tamanut, timigissarnermut sammisassaqartitsinernullu atorineqarsinnaasumik pilersitsinissamik kissaateqarpoq. Tamatuma saniatigut qinnuteqartup

aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu. Pilersaarutitut siunnersuut tamakkerlugu ilanngussaq 8-mi takuneqarsinnaavoq.

Sumiiffimmut pineqartumut assinganik siunertaqartumik siornatigut qinnuteqarnikuuvoq, ingerlatsivimmiilli inassuteqaat tunngavigalugu ataatsimiititap aalajangernikuullugu tamanut tusarniutigineqassanngitsoq. Ingerlatsiviup siornatigut pilersaarummut qinnuteqaammut immikkoortut isornartissimasai pilersaarutitut qinnuteqaammut iluarsisamut ilanngunneqarsimapput, matumuunalu pilersaarutitut qinnuteqaat nutaatut nassiunneqarluni.

Ingerlatsiviup qulakkeerinninniarnermi najoqqutassiaa nalilersuinemilu immersugassaq malillugit Inbygimiit pilersaarutitut siunnersuut alla kinaassusersiunngitsunik piviusorsiortumillu piumasaaqaatit naapertorlugit ingerlatsivimmit nalilersorneqareerpoq. Pilersaarutit marluusut nalilersorneqarnerat ilanngussani 6-imi aamma 9-mi atuarneqarsinnaapput. Matuma kinguliini pilersaarutit sanilliunneqarnerat ingerlatsiviullu pilersaarutitut pitsaanerpaatut naliliinera pineqarput.

#### Pilersaarutitut siunnersuutit sanilliunneqarnerat:

A: Inibyg inuusuttunut inissianik 120-nik utoqqarnullu inissianik 65-inik kiisalu illu ataatsimoortarfissaq ataatsimut katillugu 13.700 m<sup>2</sup> sanaartornissamik kissaateqarpoq.

B: Nuuk City Invest ilinniartunut kisimiittunut/aappariinnut, ilaqutariinnut aamma utoqqarnut 94-inik inissialiornissaaq, ininik ataatsimoorfissanik ilallit ataatsimut katillugu 10.000 m<sup>2</sup> sanaartornissamik kissaateqarpoq.

A+B: Pilersaarutitut siunnersuutit marluullutik immikkoortut ilaani 3C2-mi 3C5-imilu illoqarfiup qeqqani siunertanut atugassiani inissisimapput. Inbygip utoqqarnut inissiat immikkoortup ilaani 3D1-imiitippai aamma Nuuk City Investip immikkoortup ilaani 2D3-mi inissiat arlallit inississimallugit. Immikkoortup ilai 3D1 aamma 2D3 sukisaarsaarfissatut illoqannginnersassatullu atugassiannngortitaapput. Taamaattorli ingerlatsivimmit nalilerneqarluni, sukisaarsaarfissat pilersaarutinit marluusunit allanngortinneqassanngitsut.

#### Ataqatigiinnissaannut tunngasut

A: Sanaartukkat tassaapput illut takisuut assigiimmik sivinganilimmik qaliallit assigiinngitsunik takissusillit 2-nik, 3-nik 4-nillu quleriiaartut. Pilersaarutitut siunnersuummi sanaartukkat pioreersut sannai angissusiilu malillugit sanaartortoqassaaq.

B: Nuuk City Investimit pilersaarutitut siunnersuummi pineqarluni 3-nik 5-inillu (6) quleriilinnik sanaartorneq. Sanaartukkat ilusiligaanerat illuinnaanullu sivingasunik qaliaqarnerat immikkuullarissuliaapput, sanaartugaareersunullu assingusuliaanatik.

#### Nunaminertat illoqannginnersat

A: Inbygimiit pilersaarutitut siunnersuummi nunatamut naapertuuttumik sanaartukkat inissitaapput, silami periarfissat nassuiarlugaallutik aamma inissiaqarfiup nunaminertaa ersarissumik nalunaaqutsersugaalluni. Taamatullu aamma illut akornanni silami periarfissat assigiinngisitaartuupput, sammisassanullu assigiinngitsunut aamma inuit naapeqatigiiffigisinnaasaannik periarfissaqarluni. Avatangiisini periarfissatsialaat aamma tassaallutik sammisassaqaarneq, soorlu immikkoortup ilaani 3C2-mi qaqqap qaavaniit isikkivik aamma immikkoortup ilaani 3D1-imi tatsimi ikaartarfik.

B: Nuuk City Investimit pilersaarutitut siunnersuummi sanaartukkat aqquuserngup killingani innaarsuttamut inissineqarsimapput, silamiiffissallu illoqarfiup sinneranut atassuserneqarsimallutik. Inissiaqarfimmut immikkoortumik avannaatungaaniit kangiatungaaniillu aqquteqarnissaa kiisalu aqqusinermi pingaarnermi angallattut ersarissumik immikkoorteqarnissaat amigaataavoq. Inissiaqarfimmut apuuffissaq tassanngaannartumik pinissaa takorloornarpoq.

Qoorortami qorsooqqinnersami inissiat immikkut tamarmik salliarnartalersukkani aneerfissatut fitnessertarfilersukkanik pinnguartarfilersukkanillu ataatsimoorfissalersorneqarsimapput. Taakkulu assigiiaarpallaartutut isikkoqassapput, timersorusuttuniillu pinnguarusuttuniillu kisimi atorneqarsinnaassallutik. Silami assigiinngisitaartuutitsineq aamma eqqissilluni oqaloqatigeerujoorlunilu uninngaarfiusinnaasut pilersaarummi amigaataapput.

#### *Inuiaqatigiinnut (illoqarfimmiunut) tunniussaq*

A: Taamatutaaq immikkoortumi najugaqartunut kiffartuussivik tamanut ammasumik cafertalik sammisassaqartitsivik pilersinneqassaaq.

B: Nuuk City Investip pilersaarutitut siunnersuutaani sammisassaqartitsivimmut atatillugu silami fitnessertarfeqarpoq.

A+B: Pilersaarutitut siunnersuutini tamarmik marluullutik kissaatigaat, aqqusineq Siaqqinneq allanngortinneqarnissaa aqquuserngillu Peter Thorup Høeghip Aqqutaa, Nuussuaq aamma Siaqqinneq kaajallattariamik ataqatigiilersinneqarnissaat, taamalu immikkoortumi angallanneq pitsaanerulersinneqarluni.

#### *Pilersaarutitut siunnersuutit ataatsimut nalilersorneqarnerat*

Pilersaarutitut siunnersuut Inibygameersoq ataatsimut isigalugu iluarisimaarnarnerullunilu eqqarsaatigilluagaavoq. Pilersaarummi pineqartut ulluinnarni atugassarititaasut eqqumaffigalugit ilanngunneqarsimapput, sumiiffimmilu pitsaaqutit siunnersuummi atorluarneqarsimallutik. Ingerlatsiviup nalilerpaa, Inibygip pilersaarutitut siunnersuusaa illoqarfimmut Nuummiunullu iluaqutaanerussasoq, pilersaarutitullu siunnersuutini tiguneqartuni pitsaanerpaajusoq.

#### *Aaqqiissutissatut siunnersuut – suliaticigut naliliineq*

Immikkoortuni eqiterisoqarsinnaasoq ingerlatsivimmit pingaarnertut naliliisoqarpoq, Inibygip pilersaarutitut siunnersuutaanisut Nuummi taama amigaatigineqartigisut soqutiginnittoq inuusuttunut inissianik utoqqarnullu inissianik sanaartorumasoq assut pitsaasuvoq. Tamatuma saniatigut aqqusinermi angallattut allanngortinneqarnissaat taamalu immikkoortumi angallattunut pitsanngorsaaneq tamanullu isumannaallisaneq pitsaasuvoq. Ingerlatsivik annikitsunik ataasiakkaanik pilersaarummut siunnersuummut immikkoortunik isornartorsiuutissaqarpoq, taamaattorli kommunip pingaarnertut pilersaarutaanut kiisalu kommunip illuliortaatsimut politikianut naapertuuttusoq ingerlatsiviup nalilerlugu.

#### *Aningaasatigut sulisoqarnikkullu naliliinerit*

Pilersaarummut tunngaviusunut kiisalu sanaartornermut, tassungalu ilanngullugu aqquuserngup allanguivigineqarneranut atatillugu aningaasartuutit soqutigisallip tamaasa nammineq

isumagissavai.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusiorneq aamma nunaminertat atorveqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarusiornermut Inatsisip allangortinnerata nutaap ingerlanera ima nassuiarneqarsinnaavoq: Kommunalbestyrelsen maanna isummerfigissavaa, pilersaarummut nunaminertamik atugassiisoqassanersoq, atugassiisoqassappallu ukiut marluk tikillugit atuutissaaq. Pilersaarummik piginnittuusoq ukiut marluk ingerlanerini kommunimut pilersaarummut tapiliussaliaq naammassereersimassavaa. Kommunimut pilersaarummut tapiliussaliaq inaarutaasumik akuersissutigineqareerpat, nunaminertamik atuinissamut akuersissuteqartoqassaaq, kingornagullu sanaartornissamut akuersissuteqartoqarluni.

Kommunalbestyrelsen nalilerpagu, Nuuk City Investimit pilersaarutit siunnersuut tiguneqarsimasoq pitsaanerusoq, ingerlatsiviup innersuussutigissavaa taanna sap. ak. 8-ni tamanut tusarniutigineqassasoq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq.

#### **Innuttaasunik peqataatitsineq/attaveqaqatigiinneq**

Tamatuma saniatigut pilersaarutit siunnersuut Nuuk Ugeavis aammalu kommunip nittartagaa aqqutigalugit saqqummiunneqarnikuvoq, kiisalu atorvussat pilersaarummut tunngassuteqartut tamanit pissarsiarineqariaannaasimallutik.

Tusarniaanerup ingerlanerani pilersaarut pillugu innuttaasunut kikkunnulluunniit Katuami ataatsimiititsisoqarpoq.

#### **Ingerlatsivinnit allaniit oqaaseqaatigineqartut**

Piniarneqanngilaq.

#### **Siusinnerusukkat aalajangernerit**

*Sanarfinermut Avatangiisinullu Ataatsimiititaq ulloq 15. februaari 2021:*

Inassuteqaat akuersissutigineqarpoq.

#### **Ilanngussat**

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit tiguneqartut
3. Ilanngussat ilanngullugit pilersaarummut qinnuteqaat
4. Inatsisartut inatsisissaat nr. 34, 9. december 2015-imeersoq
5. Qulakkeerinninniarnermi najoqqutassiaq Sanarfinermut Avatangiisinullu Ingerlatsivimmit suliarineqartoq
6. Inibyg Aps-imit pilersaarutit siunnersuummik nalilersuineri immersugaq

7. Immikkoortup ilaani 3C2-mi nutaamik oqaluffiliornissaq pillugu ataatsimiinnermi imaqarniliaq
8. Pilersaarutitut siunnersuut alla, ilanngussartalik Nuuk City Invest Aps-imeersoq
9. Nuuk City Invest ApS-imit pilersaarutitut siunnersuummik nalilersuinermi immersugaq

## **Punkt 05M: Sinerissap qanittuani aalisarneq pillugu immikkoortumut pilersaarut**

### **Beslutning**

Inassuteqaat akuersissutigineqarpoq, Siumumiit ikinnerussuteqartutut ima oqaaseqaatitaqarluni: Nuummut tunngatillugu Puulukip nuuata kangerluani aalisartut piniartullu puttasui ikkunneqarnissaat eqqarsaatigalugu Neqitaq aammalu NAPP peqatiserineqarnissaat kissaatigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Sinerissap qanittuani aalisarneq pillugu immikkoortumut pilersaarut

## **Sinerissap qanittuani aalisarneq pillugu immikkoortumut pilersaarut** Umiatsiaararsorluni aalisarnermi tunngaviumik periarfissat

Aalajangiiffigisassaq

J.nr.: EMN-2019-00081

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sinerissap qanittuani aalisarneq pillugu immikkoortumut pilersaarut sapaatip akunnerini qulini tamanut tusarniutigineqarnikuuvoq. Tamatuma saniatigut sapaatip akunnerini sisamani kattuffinnut soqutigisaqatigiinnut tusarniutigineqarpoq, taakkununga ilaallutik KNAPK aamma NAPP. Piffissami tusarniaaffiusumi tusarniaanermut akissutit pingasut tiguneqarput, taakkulu aaqqissuisoqarfimmi oqaaseqatigiinnik annikitsunik allannguuteqartitsinermik kinguneqarput.

Sinerissap qanittuani aalisarneq pillugu immikkoortumut pilersaarut siunertaraa, kommunimi umiatsiaararsorluni aalisartut atortutigut atugarisaasa periarfissaasalu ersarissarneqarnissaat, tullinnguullugulu kommunip atortorissaarutaasa periarfissaasalu pitsanngorsarneqarnissaat imaluunniit atorunnaarsikkiartuaartinnissaat. Taamaalluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaallunilu tunngavissaavoq.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinermi peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Suliaq Sanarfinermut Avatangiisinullu Ataatsimiititap 2021-mi februaarip ulluisa 15-ianni ataatsimiinnerani oqaluserineqarpoq, ataatsimiitillu "Sinerissap qanittuani aalisarneq pillugu immikkoortumut pilersaarut" akuersissutigaa suliarluk akuersissutigisassanngorlugu Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- sinerissap qanittuani aalisarneq pillugu immikkoortumut pilersaarut akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Sinerissap qanittuani aalisarneq pillugu immikkoortumut pilersaarut siunertaraa, kommunimi umiatsiaararsorluni aalisartut atortutigut atugarisaasa periarfissaasalu ersarissarneqarnissaat, tullinnguullugulu kommunip atortorissaarutaasa periarfissaasalu pitsanngorsarneqarnissaat imaluunniit atorunnaarsikkiartuaartinnissaat. Taamaalluni immikkoortumut pilersaarut qinikkat

suliassaqarfimmut tunngatillugu aalajangernissaannut ineriartortitsinissaannullu sakkussaallunilu tunngavissaavoq.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinermi peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Immikkoortumut pilersaarummi nalunaarsuinerit tunngavigalugit naalakkersuinnikkut ataqatigiissaarisartoqatigiit suleqatigalugit kommunimi nunap immikkoortuini tamani suliniutissanik pingaarnersiuisoqarsimavoq. Taakkua nunaqarfinni aqutsisut assigiinngitsut immersuineri tunngavigalugit pitsanngorsaatisatut siunnersuutit pingaarnersiorlugit tullerriaarnerinik allattuisimapput.

Taamaalilluni immikkoortumut pilersaarut imarivai pingaarnertut takorluukkat, pissutsit tunuliaqutaasut aammalu tamakkaa qanoq ilillugit ineriartortinneqassanersut pillugit pilersaarut. Taamaalilluni immikkoortumut pilersaarut siunissami anguniagassanut, aningaasaliissuteqarnissanut, ingerlatsinermut immaqalu piginnittuunermut tunngasunut tunngavissatut atorineqarsinnaavoq.

#### *Aaqqiissutissatut siunnersuut – suliatigut naliliineq*

Immikkoortumut pilersaarut sinerissap qanittuani aalisartut maannakkorpiat atugarisaannik, suliniutillu suut atugarisanik pitsanngorsaannissamut pingaarnersiorneqarsinnaanerinik ersersitsisuuvoq. Aamma pilersaarummi pitsanngorsaatisatut siunnersuutit arlallit qanoq akeqassanersut missiliuusiorneqarnikuvoq. Taamaalilluni immikkoortumut pilersaarut qinikkat aalajangiinissaannut tunngaviummik sakkussatut tuliullugulu missingersuusiornissamut atorineqassaaq.

#### *Aningaasatigut sulisoqarnikkullu naliliinerit*

Immikkoortumut pilersaarut ingerlatsiviup kommunimut pilersaarutiginik ingerlatsinerisa ilagivaat, kontulu taanna annertunerusumik artukkerneqassanngilaq.

#### *Inatsisitigut tunngavissaq allakkallu tunngaviummik uppemarsaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Umiarsualiviit pillugit Inatsisartut inatsisaat nr. 9, 3. juni 2015-meersoq
- SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-meersoq
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-meersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Immikkoortumut pilersaarut akuersissutigineqareersutut nalunaarutigineqassaaq, kommunillu nittartagaani aamma kommunimut pilersaarummi pissarsiarineqarsinnaanngortinneqassalluni.

### **Aningaasaqarnermut Allatseqarfimmit oqaaseqaatit**

Oqaatigineqassaaq immikkoortumut pilersaarut suliassanik aningaasaliiffigineqartussanik kinguneqarsinnaammat. Erseqqissaatigineqassaaq, suliassaasinnaasunut maannakkorpiaq missingersuutitigut immikkoortitsisoqarnikuunngimmat, aammalu aningaasaliissuteqartoqassappat politikikkut immikkut isummertoqassammat.

### **Innuttaasunik peqataatitsineq/attaveqaqatigiinneq**

Siunnersuutip suliarineranut atatillugu, aqutsisoqatigiinnik pilersitsisoqarpoq, assigiinngitsunik sulialinnik inuttaqartumik. Tamatuma kingornagut siunnersuut soqutigisallit assigiinngitsut iluanni tusarniaassutigineqarpoq, nunaqarfinni aqutsisut ilanngullugit.

Tamanut tusarniaassutigineqarnera Nuuk Ugeaviisikkut, Paamiuni Tasiilamilu allagarsiivitsigut, aammalu nunaqarfiit tamat allaffiisigut nalunaarutigineqarnikuuvoq. Aammattaaq kommunip nittartagaasigut nalunaarutigineqarnikuuvoq, kingullertullu tusarniutigineqarnerani sivitsuinikkut kattuffinnut soqutigisaqatigiinnut nassiunneqarnikuulluni.

### **Ingerlatsivinnit allaniit oqaaseqaatigineqartut**

Piniarneqanngilaq.

### **Siusinnerusukkut aalajangernerit**

*Sanarfinermut Avatangiisinullu Ataatsimiititap ulloq 15. februaari 2021:*

Inassuteqaat akuersissutigineqarpoq.

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Sinerissap qanittuani aalisarneq pillugu immikkoortumut pilersaarut

## **Punkt 05N: Politikkikkut suliarineqartussamik innuttaasut siunnersuuteqarsinnaanerannut periarfissaqartitsineq**

### **Beslutning**

Inassuteqaat akuersissutigineqarpoq.

## **Politikkikkut suliarineqartussamik innuttaasut siunnersuuteqarsinnaanerannut periarfissaqartitsineq**

Aalajangiiffigisassaq

J.nr.: 00.01

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Kommuneqarfik Sermersuumi politikikkut suliarineqartussamik innuttaasut siunnersuuteqarnissamut periarfissinneqarnissaat siunnersuutigineqarpoq.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- innuttaasut kommuneqarfiga.gl aqutigalugu siunnersuuteqarsinnaanerak akuerineqassasoq, aamma
- siunnersuut ataatsimiititami susasaqartumi suliarineqarsinnaassasoq, innuttaasut 250-t ullut 90-it iluanni tapersersuisimassappata
- suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Kommuneqarfik Sermersuup 2020-mi juunip ulluisa qulingiluaanni innuttaasunik peqataatitsinermi periusissiaq akuersissutigaa. Kommunalbestyrelsimi politikikkut aalajangiussani innuttaasut peqataatinneqarnissaannik qulakkeerinnittussanik ingerlaavartumik suliniutinik nutaanik ineriartortitsisoqarnissaannik periusissiaq periarfissiivoq. Taamaattumik ataatsimiititami attuumassuteqartumi suliarineqartussamik innuttaasut siunnersuuteqarsinnaanissaannik Kommunalbestyrelse periarfissiissasoq siunnersuutigineqarpoq.

Nalinginnaasumik innuttaasut innuttaasunik peqataatitsinermut nittartakkami kommuneqarfiga.gl-imi siunnersuuteqarsinnaatitaapput innuttaasullu allat siunnersuut tapersersinnaallugu. Siunnersuutit ullut 90-it qaangiutsinnagit innuttaasunik 250-inik taperserpeqartut ataatsimiititami attuumassuteqartumi suliarineqartussanngorlugit nassiinneqassapput.

Innuttaasut internetimut attaveqaateqanngitsut siunnersuummik tapersiinnissamut siunnersuuteqarnissamulluunniit immersugassaq atugassaat suliarineqarumaarpoq. Immersugassaq najugaqarfinni tamani aaneqarsinnaavoq tunniunneqarsinnaallunilu. Massakkuugallartoq kommuneqarfiga.gl atuisut tamarmik Kommuneqarfik Sermersuumi innuttaasuunersut qulakkeerneqarsinnaanngimmat maluginiaqquneqarpoq. Isumannaatsumik isersinnaanerup (login), soorlu Nem-id atorlugu, arlallit nittartakkamik peqataatitsiffiusumik atuisinnaanerak killilissagaa, akerlianik nalilerneqarpoq.

Aaqqiissutissaq 2018-imi danskit folketinngianni aaqqiissutigineqartumit isumassarsiarineqarpoq. Aaqqiissummi tassani innuttaasut taasisinnaasut tamarmik siunnersuuteqarsinnaapput ullullu 180-it qaangiutsinnagit innuttaasut 50.000-it taperserpassuk siunnersuut qaqqinneqassaaq.

### ***Aaqqiissutissatut siunnersuut – suliatigut naliliineq***

Nunanit soorlu Danmarkimi USAmilu ukiorpassuarni innuttaasunik siunnersuuteqartitsinermik periarfissaqartitsisartuni misillitagaapput siunnersuutit qaqutigut inatsisiliortunit akuersissutigineqarlutik, sammisanilu akuttunngitsumik oqallinnermik pilersitsisarlutik.

*Aningaasatigut sulisoqarnikkullu naliliinerit*

Aaqqiissutissamut atatillugu aningaasartuuteqartoqanngilaq.

*Inatsisitigut tunngavissaq allakkallu tunngaviusumik uppersaatitalit*

- Innuttaasunik peqataatitsinermi periusissiaq

*Ingerlariaqqinnissaq*

Suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassaaq, tamatuma kingorna Kommuneqafiga.gl aqqutigalugu innuttaasut siunnersuuteqarsinnaanerit periarfissinneqassalluni.

**Aningaasaqarnermut Allatseqarfimmit oqaaseqaatit**

Attuumassuteqanngilaq .

**Innuttaasunik peqataatitsineq/attaveqaqatigiinneq**

Innuttaasut sunniuteqarsinnaanerisa annertusineqarsinnaaneranut attuumassuteqanngitsutut isumaqargigineqarpoq.

**Ingerlatsivinnit allaniit oqaaseqaatigineqartut**

Soqanngilaq.

**Ilanngussat**

Soqanngilaq.

## **Punkt 050: Oqaluuserissanut tapiliussaq - Qinersinermik siulersuisunik toqqaaneq**

### **Beslutning**

Inassuteqaatini siulleq: Kommunimut qinersinissamut qinersinermik siulersuit Inatsisartunut qinersinermut siulersuisunut toqqaarneqarput.

Inassuteqaatit aappaat: ilaasortat sinniisussaattut toqqaarneqarput:

Jens Kristian Berthelsen (S) Peter Davidsen-mut (S) sinniisussatut toqqaarneqarpoq.

Michael Rosing (Att) Justus Hansen-mut (D) sinniisussatut toqqaarneqarpoq.

Inassuteqaatit pingajuat: Inassuteqaat akuersissutigineqarpoq.

## **Qinersinermik siulersuisunik toqqaaneq**

2021-mi Inatsisartunut qinersinermik siulersuisut

Aalajangiiffigisassaq

J.nr.: EMN-2021-05841

Suliffeqarfimmut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Ulloq 6. aprili 2021-mi Inatsisartunut qinersisoqassaaq

Qinersinermik siulersuisunut ilaasortaassapput borgmesteri aammalu Kommunalbestyrelsimut ilaasortat minnerpaamik marluk. Qinersinermik siulersuisunut ilaasortaq qinigassanngortippat ilaasortaq pineqartoq qinersinermi siulersuisunut ilaasortatut tunuassaaq.

Allaffeqarfiup innersuussutigaa, suliassat eqqarsaatigalugit, 2021-imi Inatsisartunut qinersinissamut qinersinermik siulersuisuni ilaasortat tassaassasut Kommunalbestyrelsimut, Nunaqarfinni Aqutsisunut ilagiillu sinniisaannut qinersinermi Qinersinermik siulersuisunut ilaasortat.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamat inassuteqaatigaa:

- ataatsimiititaq 2021-imi Inatsisartunut qinersinermik siulersuisunik toqqaassasoq
- ataatsimiititaq qinersinermi siulersuisuni ilaasortat sinniisussaannik toqqaassasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

### **Suliamik saqqummiussineq**

Ulloq 6. aprili 2021-mi Inatsisartunut qinersisoqassaaq.

Qinersineq Qinersinermut Ataatsimiititaliamit siulersorneqassaaq, taanna qinersinermik allattaavimmik, tassanilu ilanngullugit qinigassanngortittut partiillu qinigassanngortitsisut paasisutissiissutigineqassapput. Kommunini tamani Qinersinermik siulersuisunit qinersineq piareersarneqassaaq aqunneqarlunilu.

Qinersinermik siulersuisut qinersisoqarnerani pingaarnertut nakkutilliisussaapput, tassunga ilanngullugu taasiartorfissanik, taaguinermi siulersuisussanik akuersissutiginninneq, qinersisartut allassimaffiat assigisaaluunniit pillugu naammagittaalliortoqartillugu pingaarnertut aalajangiisussaaq aamma qinersinermut ataatsimiititaliaq tassaavoq naammagittaalliortoqartillugu tulliulluni aalajangiisinnaatitaasoq.

Qinersinermik siulersuisunut ilaasortaassapput, borgmesteri aammalu kommunalbestyrelsimi ilaasortat ikinnerpaamik marluk. Inatsisartunut qinersisarneq pillugu Inatsisartut inatsisaat nr. 14, 24. november 2020-meersoq naapertorlugu borgmesteri Qinersinermik siulersuisuni siulittaasuussaaq. Kommunalbestyrelsimi ilaasortaqtigiit pineqartumik toqqaasimasut siniisussamik toqqaassapput. Inatsimmi pineqartumi §9-mi imm. 3-mi ilanngullugu allaqqavoq, Qinersinermik siulersuisuni ilaasortaq qinigassanngortippat ilaasortaq pineqartoq Qinersinermik siulersuisunut ilaasortatut tunuassaaq.

Allaffeqarfiup innersuussutigaa, suliassat eqqarsaatigalugit, 2021-imi Inatsisartunut qinersinissamut qinersinermik siulersuisuni ilaasortat tassaassasut Kommunalbestyrelsimut, Nunaqarfinni Aqutsisunut ilagiillu sinniisaannut qinersinermi Qinersinermik siulersuisunut ilaasortat.

*Qinersinermik siulersuisut suliai*

Qinersinermi siulersuisut Inatsisartunut qinersinissamik piareersarnissaq qinersisoqarnissaalu akisussaaffigaat. Qinersinermi siulersuisut ataatsimiittassapput, naatsorsuutigineqarporlu qinersinermi siulersuisut sisamariarlutik tallimariarlutilluunniit ataatsimiikkumaartut makku oqaluuserisassaralugit:

- Taaguinermik siulersuisunik aammalu taasiartorfissanik assigisaannillu toqqaanerit.
- Qinigassanngortitanik nalunaarutininik tigusineq aamma qinersinermut ataatsimiittamut ingerlatitseqqiineq
- Qinersisartut allassimaffiannik akuersissutiginninneq
- Inimik qinersivimmik akuersineq (ileqquusoq inatsisitigut piunasaqaataanngitsoq)
- Ulloq qinersivik/unnukkua (ileqquusoq inatsisitigut piunasaqaataanngitsoq)
- Qinersinermut allattaavimmik akuersissutiginninneq

*Aaqqiissutissatut siunnersuut – suliatigut naliliineq*  
Qulaani allaqqapput.

*Aningaasatigut sulisoqarnikkullu naliliinerit*  
Qinikkanut Allatseqarfik qinersinermi siulersuisunut allatseqarfittut inissisimassaaq, naatsorsuutigineqarporlu qinersinermi siulersuisut sisamariarlutik tallimariarlutilluunniit ataatsimiissasut.

*Inatsisitigut tunngavissaq allakkallu tunngaviusumik uppermarsaatitallit*  
Inatsisartunut qinersisarneq pillugu Inatsisartut inatsisaat nr. 14, 24. november 2020-meersoq.

*Ingerlariaqqinnissaq*  
Toqqaasoqareerpat Qinikkanut Allatseqarfik ataatsimiigiaqqusissaaq, qinersinermilu siulersuisut ataatsimiinnissaani siullermi oqaluuserisassat nassiutissallugit.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfik oqaaseqartinneqanngilaq.

**Ilanngussaq**  
Soqanngilaq.

## **Punkt 6: Taasariaqartut allat**

### **Beslutning**

Peter Davidsen (S): Akiani qamuteralattarneq pillugu oqaaseqarpoq. Akiani qamuteralattoqartarnera ilisimaneqarmat, naak tamanna inerteqqutaagaluartoq, iliuuseqarfigineqarnissaa kissaatigaa.

## **Punkt 7: Lukket**

## **Punkt 07A: Lukket**

## **Punkt 07B: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 17.05